

漢官典職儀式選用儀

官





漢 官 儀

應 劭 撰

叢書集成初編

(補印本)

漢官儀及其其他二種

一九三九年十二月初版  
一九六〇年一月補印

商務印書館出版

上海市印刷六廠印刷



叢書集成  
初編

商務印書館

漢官儀

本館據平津館叢  
書本排印初編各  
叢書僅有此本

隋志漢官五卷應劭注漢官儀十卷應劭撰據後漢書應劭傳建安二年詔拜劭爲袁紹軍謀校尉時始遷都於許舊章堙沒書記罕存劭慨然歎息乃綴集所聞著漢官禮儀故事劭所撰止一書不知隋志何以分爲二又劭傳云凡朝廷制度百官典式多劭所立初父奉爲司隸時並下諸官府郡國各上前人像贊劭乃連綴其名錄爲狀人紀今諸書引漢官儀有諸人姓名狀人紀者疑卽其書中篇名陳氏書錄解題有應劭漢官儀一卷載三公官名及名姓州里李埴補一卷俱不傳諸書引有作應劭漢官應劭漢官儀亦有彼此互舛不可分別今併錄爲二卷續漢志劉昭補注引漢官不標名應劭者悉是目錄不知何人所撰別爲一卷以存其舊

# 漢官儀卷上

漢

軍

謀

校

尉應

劭撰

賜進士及第山東等處督糧道兼管德常臨清倉事務加二級孫星衍校集

太傅古官也。周成王時，康叔爲之。高后元年，初用王陵金印紫綬。八年，省哀帝元壽二年，復置位在三公上。世祖中興，特遣使者備禮徵故密令卓茂。策曰：案北堂書鈔引作卓茂甲申策書。前密令卓茂，束身自修，執節純固。案北堂書鈔引有前密令下十三字，無下文夫士二字，又束身作束髮。夫士誠能爲人所不能爲，名冠天下，當受天下重賞。故武王誅紂，封比干之墓，表商容之闕，今以茂爲太傅。案文選任彥升爲范尚書讓吏部封侯表，注引作特擢盛德南陽卓茂爲太傅，封宣德侯。北堂書鈔設官部藝文類案，職官部太平御覽職官部。案此條引俱作應劭漢官，唯文選注引作漢官儀。下文凡言漢官者，上皆有應劭二字。

傅者覆也。續漢志補注。

明帝甲辰策書曰：高密侯鄧禹，元功之首，其以禹爲太傅。北堂書鈔設官部。案此條引作漢官。

和帝丁酉策書曰：故太尉鄧彪，元功之族，三讓彌高，海內歸仁，爲羣賢首，其以彪爲太傅。案北堂書鈔初學記藝文類聚俱引作太尉錄尚書事百官總己以聽，庶得專位內之事。北堂書鈔設官部初學記職官

部藝文類聚職官部太平御覽職官部兩引

殤帝策曰張禹三世在位黃髮罔愆忠孝彌篤其以禹爲太傅錄尙書事百官總己以聽北堂書鈔設官部兩引

沖帝丁酉策書曰舅氏輔翼股肱三公國之楨榦朝廷取正以成斷金太尉趙峻三世掌典機衡案太平御覽引作樞衡有匪石不二之心大司農李固公族之苗忠直不回有史魚之風今以峻爲太傅固爲太尉與太將軍冀參錄尙書事北堂書鈔設官部兩引初學記職官部藝文類聚職官部兩引太平御覽職官部兩引

靈帝策書曰故太尉陳蕃忠亮蹇諤有不吐茹之節司徒胡廣惇德允元五世從政今以蕃爲太傅與廣參錄尙書事藝文類聚職官部太平御覽職官部

太師太傅太保皆古官也初學記職官部

太師古官也平帝元年孔光以太傅見授詔太師無朝十日一賜餐賜靈壽杖省中施坐置几太師入省中用杖自是而續漢志補注案三公太師在太傅前後漢省太師太保唯置太傅今改列於後又

案此條末今本作調字乃校者所記而後來誤入正文也今訂正

孝平皇帝元始元年太后詔曰太師光今年老有疾俊又大臣惟國之重書曰無遺老成國之將興尊師重傅其令太師無朝十日一賜餐賜以靈壽杖高門令爲太師於省中施坐置几太師入省用杖焉北堂



書鈔設官部初學記職官部太平御覽職官部

平帝元始元年孔光以太師見授太后詔曰太師先聖之後道術通明案北堂書鈔又引作先師之子德行純淑宜居四輔職訓導帝躬北堂書鈔設官部初學記職官部

太保古官也保養也北堂書鈔設官部藝文類聚職官部太平御覽職官部

太尉秦官也武帝更名大司馬後漢書光武紀注案通典職官云應劭漢官謂太尉爲周官非也與此

異

武帝元狩四年置大司馬以冠將軍之號而無印綬北堂書鈔設官部

元狩六年罷太尉法周制置司馬時議者以爲漢軍有官候千人司馬故加大爲大司馬所以別異大小

司馬之號續漢志補注

三司之職司馬主兵漢承秦曰太尉武帝改曰大司馬無印綬官兼加而已世祖改曰太尉太平御覽職

官部案引作漢官序

張衡云案太平御覽引作河間相張衡說明帝更司馬司空府欲復更太尉府案太平御覽引作明帝以

爲司空府已榮欲更治太尉府時公南陽趙熹也案太平御覽引有南陽二字西曹掾安衆鄭均素

好名節以爲朝廷新造北宮整飭官寺旱魃爲虐民不堪命曾無殷湯六事周宣雲漢之辭今府本館陶

公主第舍員職既少自足相容熹表陳之卽聽許其冬臨辟雍歷二府見皆壯麗而太尉府獨卑陋顯宗

東顧歎息曰。椎牛縱酒。勿令乞兒爲宰。時熹子世爲侍中。驂乘歸。具白之。熹以爲恨。頻譴責均。均自劾去。  
道發病亡。續漢志補注。太平御覽。職官部。

章帝詔曰。司空牟融。典職六年。勤勞不息。其以融爲太尉。錄尙書事。北堂書鈔。設官部。藝文類聚。職官部。

兩引。太平御覽。職官部。兩引。

殤帝策書曰。司徒徐防。以臺閣機密。施政牧守。其以防爲太尉。錄尙書事。百官總己以聽。藝文類聚。職官部。

太尉司徒司空長史。秩比千石。號爲毗佐三台。助成鼎味。太平御覽。職官部。

東西曹掾。比四百石。餘掾。比三百石。賊曹主盜賊之事。後漢書。銚期傳。注。

決曹主罪法事。後漢書。王霸傳。注。

官騎二十二人。續漢志補注。

王莽時。議以漢無司徒官。故定三公之號曰大司馬。大司徒。大司空。世祖卽位。因而不改。續漢志補注。

漢儀曰。司徒府與蒼龍闕對。厭於尊者。不敢號府。應劭曰。此不然。丞相舊位在長安時。有四出門。隨時聽事。明帝東京。本欲依之。迫於太尉司空。但爲東西門耳。每國有大議。天子車駕親幸其殿。通典。職官。案。

應劭曰。以下。是漢官儀之文。

相國丞相。皆六國時官。通典。職官。

丞相有疾。御史大夫三日一問起居。百官亦如之。案藝文類聚引作百餘亦然。朝廷遣中使、太醫、高手、膳羞、絡繹及瘳視事。尚書令若光祿大夫賜以養牛。上尊酒。藝文類聚職官部。太平御覽職官部。

丞相見免乘驪馬。自府歸。說文。繫傳十九。

武帝置丞相司直。元壽二年改丞相爲大司徒。司直仍舊。今省。後漢書。光武紀注。

司徒府掾屬三十一人。秩千石。令史及御屬三十六人。後漢書。光武紀注。梁冀傳注。

綏和元年罷御史大夫官。法周制。初置司空。議者又以縣道官獄司空。故覆加大爲大司空。亦所以別大

小之文。續漢志補注。

御史大夫。尚書令。司隸校尉。皆專席。號三獨坐。後漢書。王常傳注。

大司空朱博奏。高皇帝置御史大夫。位次丞相。北堂書鈔。設官部。

司空騎吏以下。阜袴。因秦水行。今漢家火行。宜絳袴。太平御覽。服章部。

三公聽探長史臧否。人所疾苦。還條奏之。是爲舉謠言也。頃者舉謠言。屬令史。都會殿上。主者大言州郡

行狀云。何善者同聲稱之。不善者默爾銜枚。後漢書。蔡邕傳注。范滂傳注。

今司徒太尉下書州郡。文皆稱公。蓋倉頡作書。自環者謂之私。背私者謂之公。案通典。職官引。下有韓子

曰。背私曰公。七字。春秋九命。作宰。天子御坐。卽起。其興。案其興當作在與。見通典。爲下。凡拜。天子臨軒。六

百石以上。悉會。直事卿贊。御史授。案。當脫印綬二字。見通典。公三讓。然後乃受之。漢禮儀曰。天子稱尊號。

曰皇帝言曰制。補制言曰詔。稱民有言有辭曰陛下。今皆施行。詩云：肅肅王命，仲山甫將之。邦國若不，仲山甫明之。詔令之義，三公三人以承君。蓋由鼎有足，故易曰：鼎象也。北堂書鈔設官部。案：通典職官引作鼎足三者，三光也。

羣臣上書，公卿校尉諸將不言姓。凡制書皆稱璽封，尚書令重封，惟赦贖令司徒印，露布州郡也。後漢書鮑昱傳注。

世祖詔案：北堂書鈔引作中興甲寅詔書。方今選舉賢佞，朱紫錯用。丞相故事，四科取士：一曰德行高妙，志節清白；二曰學通行修，經中博士；三曰明達法令，足以決疑，能案章覆問，文中御史；四曰剛毅多略，遭事不惑，明足以決，才任三輔令。皆有孝悌廉公之行。自今以後，審四科辟召及刺史二千石、察茂才尤異、孝廉之吏，務盡實覈，選擇英俊賢行，廉潔平端，於縣邑務授試以職，有非其人，臨計過署，不便習官事，書疏不端正，不如詔書，有司奏罪名，竝正舉者。又舊河隄謁者，世祖改以三府掾屬為謁者，領之。遷超御史中丞，刺史或為小郡，監察黎陽謁者，世祖以幽并州兵驕，定天下。案：後漢書寶憲傳注引作光武中興，又定上有克字。故於黎陽立營，以謁者監之，兵騎千人，復除甚重，謁者任輕，多放情態。順帝改用公解府掾，有清名威重者，遷超牧守焉。續漢志補注：北堂書鈔設官部。案：後漢書和帝紀注，太平御覽治道部引作建初八年十二月己未詔書，文略同。唯無河隄謁者以下一段。

三公府有長史一人。後漢書梁冀傳注。

將軍周官也。趙王以李牧爲將軍，破秦，始受大名。王翦灌嬰，竝爲之。北堂書鈔設官部。

將軍周官也。漢興置大將軍，位丞相上。北堂書鈔設官部。

和帝以竇憲爲大將軍，乃冠三公。太平御覽職官部。

梁冀爲大將軍，以三世姻媾，援立之功，公卿希旨，上比周霍，舉高第茂才，官屬皆倍餘府。太平御覽職官部。

部

鼓吹二十人，非常員，舍人十人。續漢志補注，通典職官。

鼓吹爲國盤娛，禦侮爪牙。北堂書鈔儀飾部。

漢興置驃騎將軍，位次丞相，是以漢百官志云：驃騎將軍，秩與大將軍同。北堂書鈔設官部，太平御覽職

官部。

章帝以元舅馬防爲車騎將軍，服銀印青綬，位在卿上，絕席。續漢志補注，北堂書鈔設官部，太平御覽職

官部。

和帝以竇憲爲車騎將軍，賜金印紫綬，位次司空。續漢志補注，北堂書鈔設官部。

武帝西征西夷，有前後左右將軍，爲國爪牙，所以揚示威靈，折衝萬里。北堂書鈔設官部。

度遼將軍，孝武皇帝初用范明友，明帝十八年，案當云八年，以中郎將吳常見明帝紀注，行度遼將軍事。

安帝元初元年，置真銀印青綬，秩二千石，長史司馬六百石。續漢志補注。

度遼將軍屯五原曼柏縣。後漢書安帝紀注。

將軍掾屬二十九人。中大夫無員。令史四十一人。後漢書東平憲王傳注。

太常古官也。書曰：伯夷典朕三禮。帝曰：咨伯，汝作秩宗百官。公卿表云：太常古官。云伯夷也。北堂書鈔設官部。

太常古官也。書曰：伯夷欲令國家盛大，社稷常存，故稱太常，以列侯爲之。重宗廟也。後漢書光武紀注北堂書鈔設官部。

北海周澤爲太常，齋有疾，其妻憐其年老被病，窺內問之，澤大怒，以爲干齋，掾吏叩頭爭之，不聽，遂取送詔獄，竝自劾謝，議者非其激發不實，諺曰：居世不諧，爲太常妻。一歲三百六十日，三百五十九日齋，一日不齋，醉如泥，旣作事，復低迷。初學記職官部藝文類聚職官部太平御覽職官部。

卿彰也。明也。言當背邪，向正。彰有道德。北堂書鈔設官部。

太史令屬太常。案張衡傳注引有此二字。秩六百石。掌天時星歷。凡歲奏新年歷。凡國祭祀喪娶之事。奏良日。國有瑞應災異，掌記之。後漢書張衡傳注太平御覽職官部案太平御覽引作應劭曰。

太史令秩六百石。望郎三十人。掌故三十人。昔在顓頊，南正重司天，火正黎司地。唐虞之際，分命羲和，歷象日月星辰，敬授民時。至于夏后殷周，世序其官，皆精研術數，窮神知化。當春秋時，魯有梓慎，晉有卜偃，宋有子韋，鄭有裨竈，觀乎天文，以察時變，其言屢中有備無害。漢興，甘石唐都司馬父子，抑亦次焉。未塗

偷進。苟忝茲階。既闡候望。競飭邪僞。以凶爲吉。莫之懲糾。太平御覽職官部。案引應劭曰。

張溫。字伯慎。穰人也。封元鄉侯。太史奏言。有大臣誅死。董卓取溫。笞殺於市。而厭之。後漢書。竇武傳注。

博士。秦官也。博者。通博古今。士者。辨於然否。案藝文類聚。太平御覽。引有博者以下十二字。孝武建元五

年。案朱浮傳注。引作武帝無年號。初置五經博士。秩六百石。案太平御覽。引有此四字。後增至十四人。太

常差次。有聰明威重者一人。爲祭酒。總領綱紀。其舉狀曰。生事愛敬。喪歿如禮。通易尙書。孝經論語。兼綜

載籍。窮微闡奧。隱居樂道。不求聞達。身無金瘡痼疾。世六屬。不與妖惡交通。王侯賞賜。行應四科。經任博

士。下言某官某甲保舉。後漢書。朱浮傳注。藝文類聚。職官部。太平御覽。職官部。

光武中興。恢宏稽古。易有施孟梁邱。賀京房。書有歐陽和伯。夏侯勝。建詩有申公轅固。韓嬰。春秋有嚴彭

祖顏安樂。禮有戴德戴勝。凡十四博士。太常差選有聰明威重一人。爲祭酒。總領綱紀也。後漢書。徐防傳

注。

漢置博士祭酒一人。秩六百石。唐六典二十一。

文帝博士七十餘人。爲待詔博士。朝服。元端。章甫冠。唐六典二十一。

博士八。平尙書。出部刺史。諸侯相次。轉諫大夫。北堂書鈔。設官部。

博士限年五十以上。後漢書。楊仁傳注。

秘書監一人。秩六百石。後漢書。桓帝紀注。唐六典十。

大子樂令一人秩六百石。後漢書明帝紀注。

置陵園令食監各一人秩皆六百石。後漢書皇后紀注。

憲陵園丞秩三百石陽陵令秩六百石。後漢書段熲傳注。

丞皆選孝廉郎年少薄伐者遷補府長史都官令候司馬。續漢志補注。

光明也祿爵也勳功也言光六典郎謁諸虎賁羽林舉不安得賞不失勞故曰光祿勳。太平御覽職官部。

光祿勳有南北廬主事三署主事案後漢書張霸傳注光祿勳主事見漢官儀於諸郎之中察茂才高第

者爲之秩四百石次補尙書郎出宰百里。唐六典一。

光祿有主簿。唐六典十五。

光祿舉敦厚質樸遜讓節儉此爲四行。後漢書吳祐傳注范滂傳注。

五官中郎將秦官也秩比二千石三署郎屬焉。太平御覽職官部。

五官左右中郎將秦官也秩比二千石凡郎官皆主更直執戟宿衛。北堂書鈔設官部。

郎中令屬官有五官中郎將左右中郎將曰三署署中各有中郎議郎侍郎郎中皆無員外多至千人主

執戟衛宮陛及諸虎賁羽林郎皆屬焉謂之郎中令者言領諸郎而爲之長。初學記職官部案續漢志。

無郎中令。

三署謂五官署也左右署各置中郎將以司之郡國舉孝廉以補三署郎年五十以上屬五官其次分在



左右署。凡有中郎、議郎、侍郎、郎中四等。無員。後漢書和帝紀注。

建武二十四年。遣中郎將段郴。迎單于於五原塞。北堂書鈔設官部。

虎賁中郎將。古官也。書稱武王伐紂。戎車三百兩。虎賁八百人。擒紂於牧之野。言其猛怒如虎之奔也。始元年更名虎賁郎。案白帖七十五引更名虎賁中郎將。古有勇者孟賁。改奔爲賁。中郎將冠兩鬚尾。案太平御覽服章部引冠下有插字。鷩鷩鳥中之果勁者也。每所攫撮。應爪摧碎。鬪不死不止。案北堂書鈔引有鬪下五字。鷩尾上黨所貢也。後漢書順帝紀注。北堂書鈔設官部。初學記。服食部。太平御覽。職官部。服章部。

虎賁中郎將。衣紗縠禪衣。虎文錦袴。餘郎亦然。漢書江充傳注。北堂書鈔衣冠部。兩引。初學記。寶器部。太平御覽。服章部。兩引。布帛部。

虎賁千五百人。戴鷩尾。屬虎賁中郎將。後漢書光武紀注。

武帝太初元年。初置建章營騎。後更名羽林。以天有羽林之星。故取名焉。又取從軍死事之子孫。養羽林官。教以五兵。號曰羽林孤兒。光武中興。以征伐之士。勞苦者爲之。故曰羽林士。後漢書順帝紀注。

羽林者。言其爲國羽翼。如林盛也。皆冠鷩冠。一名爲嚴郎。言其侮禦嚴厲。其後簡取五營高才。列爲左右監。羽林父死子繼。與虎賁同。廣韻九變注。太平御覽。職官部。

羽林郎出補三百石丞尉。自占丞尉小縣丞尉三百石。其次四百石。比秩爲眞。皆所以優之。後漢書和帝紀注。

羽林左右監屬光祿。後漢書來歷傳注。

羽林左監主羽林八百人。右監主九百人。後漢書安帝紀注。

羽林左騎秩六百石。領羽林屬光祿勳。後漢書曹褒傳注。

光祿大夫秩比二千石。不言屬光祿勳。案藝文類聚引有此六字。

光祿勳門外特施行馬。以旌別之。藝文類聚職官部白帖七十五。

成帝時王延世以校尉領河隄。語曰。案語當作詔。東郡泲河。流漂二州。校尉延世隄防立塞。改爲河平元

年。惟延世長於計策。功費約省。以延世爲光祿大夫。秩二千石。北堂書鈔政術部。

天子二十七大夫。職在言議。毗亮九卿。無員多至數十人。北堂書鈔設官部。

登高能作賦。可以爲大夫。感物造端。才知深美。可與國事。故舉爲列大夫。古者諸侯。卿大夫交接鄰國。以

微言相感。當揖讓之時。必稱時案。時當作詩。以喻其志。別賢不肖。而觀盛衰焉。北堂書鈔設官部。

議郎。郎中。秦官也。議郎秩比六百石。特徵賢良方正。敦朴有道。第公府掾。試博士者。拜郎中。北堂書鈔設

官部。

議郎十二人。秩比六百石。不屬署。不直事。侍御史遷補博士。諸侯王郎中令。北堂書鈔設官部。

謁者僕射。秦官也。僕，主也。古者重武事，每官必有主射，以督課之。後漢書光武紀注，北堂書鈔設官部。

孝明皇帝丁酉，詔書曰：謁者，堯之尊官，所以試舜於四門。北堂書鈔設官部。

明帝詔書：昔燕太子使荆軻劫始皇，變起兩楹之間。其後謁者之引客，持匕首劍刺腋。高祖偃武行文，故

易之以版。北堂書鈔設官部。

謁者皆著緇績大冠，白絹單衣。北堂書鈔衣冠部，太平御覽服章部。

謁者三十人，秩四百石，掌報章奏事及喪弔祭享。北堂書鈔設官部。

謁者三十五人，以郎中秩滿歲稱給事，未滿歲稱灌謁者。後漢書雷義傳注。

舊河隄，謁者居之。水經注濟水。

公車司馬令，周官也。秩六百石，冠一梁，掌殿司馬門，夜徼宮中。天下上事及闕下案，和帝紀注引作諸上

書詣闕下有，皆集奏之。凡所徵召，皆總領之。李郃以公車司馬入爲侍中。漢書百官公卿表注，後漢書光

武紀注，和帝紀注，三輔黃圖二，北堂書鈔設官部，太平御覽職官部。

北宮衛士令一人，秩六百石。後漢書譙元傳注。

凡居宮中，皆施籍於掖門，案姓名當入者，本官爲封棨，傳審印信，然後受之。後漢書竇武傳注。

崇賢門內，德陽殿。後漢書順帝紀注。

未央、大廡、長樂、承華等廡令。案文選，東京賦注，引漢有承華廡，皆秩六百石。後漢書和帝紀注，三輔黃圖

六

牧師諸苑三十六所分置西北邊分養馬三十萬頭漢書百官公卿表注後漢書和帝紀注

廷尉責案上御史臺通典職官

光武時有以疑獄見廷尉曹史張禹所問輒對處當詳理於是册免廷尉以禹代之雖越次而授亦足以

厲其臣節也通典職官太平御覽職官部

秦置典客掌諸侯及歸義蠻夷漢因之景帝更名大行令武帝改曰大鴻臚初學記職官部

鴻臚景帝置北堂書鈔設官部

皇帝延諸侯王賓王諸侯皆屬大鴻臚故其薨奏其迹賜與諡及哀策誄文通典職官

昔唐虞賓于四門此則禮賓之制鴻臚之任亦同初學記職官部

宗正卿秩中二千石後漢書安帝紀注

長公主傅一人私府長一人食官一人永巷長一人家令一人秩皆六百石各有員吏而鄉公主傅一人

秩六百石僕一人六百石家乘一人三百石後漢書皇后紀注

長公主官屬傅一人員吏五人騶僕射五人私府食官永巷長令家令各一人後漢書鄧晨傳注

大司農古官也唐虞分命羲和四子敬授民時高祖受命懲秦之弊與民休息逮至文景國家無事家給

人足京師之錢累一日巨萬貫朽而不可校太倉之粟陳陳相因充溢露積腐敗而不可食北堂書鈔設

官部藝交類聚職官部太平御覽職官部

初秦置治粟內史掌穀貨漢因之景帝更名大農令武帝更名大司農王莽改曰羲和又改爲納言東漢復曰大司農初學記職官部百帖七十五

丞二千石續漢志補注案此條引作應劭漢官秩

平準令一人秩六百石後漢書靈帝紀注

廩犧令一人秩六百石後漢書和帝紀注董鈞傳注

少府掌山澤陂池之稅名曰禁錢以給私養自別爲藏少者小也故稱少府秩中二千石大用由司農小

用由少府故曰小藏北堂書鈔設官部

少者小也小故稱少府王者以租稅爲公用山澤陂池之稅以供王之私用古皆作小府續漢志補注

案引作漢官太平御覽職官部引漢官宰尹下曰少府言別爲少藏故曰少府

田租芻蕘以給經用凶年山澤魚鹽市稅少府以給私用續漢志補注

太醫令周官也兩梁冠秩千石丞三百石北堂書鈔設官部太平御覽職官部

太醫令一人秩六百石後漢書安帝紀注

太官令兩梁冠秩千石丞四人郡孝廉年五十清修聰明者光祿上名迺召拜比秩四百石三歲爲令以

供養勞苦遷案此下當有闕文左丞有湯官丞案當云有左丞有湯官丞掌諸甘配案當云有甘丞掌諸

甘肥皆見續漢書志及補注。有菓丞掌菓瓜菜茹薪炭。太平御覽職官部。

太官令秩一千石。桓帝延熹元年使太官令得補二千石。置四丞。唐六典十五。

太官主膳羞也。後漢書皇后紀注。案光武紀注引口實膳羞之事也。

太官丞官別在外。掌菓瓜菜茹。太平御覽菜茹部。

太官右監丞秩比六百石。後漢書桓帝紀注。

守官令一人秩六百石。後漢書桓帝紀注。

鴻德苑令一人秩六百石。後漢書桓帝紀注。案鴻德二字從桓帝紀注以小字別之。下凡倣此。

侍中周官也。案太平御覽引連下金蟬一段。侍中便蕃左右與帝升降卒思。案北堂書鈔引作切問。近對

拾遺補闕百寮之中莫密於茲。北堂書鈔設官部初學記職官部藝文類聚職官部白帖七十一。太平御

覽職官部。

侍中金蟬左貂。案藝文類聚引作有貂誤。金取堅剛百鍊不耗。蟬居高食潔。案晉書輿服志引作飲清。目

在腋下。案續漢志補注引作口在腋下。貂內勁悍而外溫潤。案晉書輿服志引溫潤作柔縹。貂蟬不見傳

記者因物論義。案者上當有說字論當作生。依續漢志補注引予覽戰國策乃知趙武靈王胡服也。其後

秦始皇破趙得其冠以賜侍中高祖滅秦亦復如之。孝桓末。案北堂書鈔引有孝桓二字。侍中皇權參乘

問貂蟬何法不知其說復問地震云不爲災還宮左遷議郎。續漢志補注晉書輿服志北堂書鈔設官部。

初學記職官部器物部藝文類聚職官部太平御覽職官部服章部

侍中冠武弁大冠亦曰惠文冠加金璫附蟬爲文貂尾爲飾謂之貂蟬初學記職官部

侍中左蟬右貂本秦丞相史往來殿中故謂之侍中分掌乘輿服物下至褻器虎子之屬武帝時孔安國爲侍中以其儒者特聽掌御坐唾壺朝廷榮之至東京時屬少府亦無員駕出則一人負傳國璽操斬蛇劍乘案乘上當有參字見通典輿中官俱止禁中案輿當作輿見通典後漢書獻帝紀注太平御覽職

官部

侍中秩千石初學記職官部太平御覽職官部案唐六典八引作秩比二千石續漢志補注引漢官秩千石

侍中殿下稱制出則參乘佩璽抱劍北堂書鈔設官部文選恩倖傳論注太平御覽職官部

漢成帝取明經者充爲侍中使辟百官公卿參議可正止殿行則負璽舊高取一人爲僕射後改爲祭酒北堂書鈔設官部

史丹爲侍中元帝寢疾丹以親密近臣得侍疾候上閒獨寢時丹直入臥內頓首伏青蒲上初學記職官部太平御覽職官部

桓帝時侍中迺存案藝文類聚人部引作刁存年老口臭上出雞舌香與含之雞舌香頗小辛螿不敢咀咽自嫌有過得賜毒藥歸舍辭決欲就便宜家人哀泣不知其故賴寮友諸賢聞其憊失求視其藥出在

口香咸嗤笑之。更爲吞食。其意遂解。存鄙儒蔽于此耳。北堂書鈔設官部。初學記。職官部。藝文類聚。人部。

太平御覽。人事部。職官部。香部。

侍中周官。號曰常伯。選於諸伯。言其道德可常尊也。文選。陳太邱碑注。

侍中周成王常伯任侍中。殿下稱制。出卽陪乘。佩璽抱劍。文選。東京賦注。藉田賦注。安陸王碑注。

漢官表曰。凡侍中左右曹諸吏散騎中常侍皆加官也。通典職官。

漢因秦置侍中舍人。北堂書鈔設官部。

中常侍秦官也。漢興或用士人。銀璫左貂。光武以後專任宦者。右貂金璫。後漢書。朱穆傳注。太平御覽。服

章部。

給事黃門侍郎六百石。無員。掌侍從左右。給事中使關通中外。後漢書。獻帝紀注。

給事黃門侍郎。案北堂書鈔文選注。引無黃門二字。下同。位次侍中。侍從左右。關通內外。給事於中。故曰

給事。案太平御覽引下有中字。黃門侍郎。獻帝置六員。北堂書鈔設官部文選。恩倖傳論注。太平御覽。職

官部。

黃門侍郎。每日暮向青瑣門拜。謂之夕郎。後漢書。獻帝紀注。

給事中秦官也。漢因之。無常員。皆爲加官。初學記。職官部。

漢武元鼎三年。初置散騎。俱掌問應對。世祖省之。案漢初有散騎侍郎。掌侍省。皆爲騎郎。賞滿五萬。爲常



侍郎張釋之以貲爲常侍。蓋此官也。北堂書鈔設官部。

秦及前漢置散騎及中常侍各一人。散騎騎馬。竝乘輿車。獻可替否。北堂書鈔設官部。藝文類聚職官部。白帖七十三。太平御覽職官部。初學記職官部。

秦置散騎。又置中常侍。漢因之。兼用士人無員。多以爲加官。初學記職官部。

黃門令秩六百石。後漢書皇后紀注。

黃門有畫室署。玉堂署。各有長一人。初學記職官部。太平御覽職官部。

黃門冗從僕射一人。秩六百石。後漢書桓帝紀注。

黃門鼓吹百四十五人。後漢書安帝紀注。

暴室在掖庭內。丞一人。主宮中婦人疾病者。其皇后貴人有罪。亦就此室也。後漢書皇后紀注。

永巷令一人。宦者爲之。秩六百石。掌宮婢侍使。後漢書靈帝紀注。

濯龍監六百石。續漢志補注。案此條本引作應劭漢官秩。

中黃藏府。掌中幣帛金銀諸貨物也。後漢書桓帝紀注。案續漢志中藏府令一人。六百石。本注曰。掌中

幣帛金銀諸貨物。此衍黃字。

內者署。名令一人。秩六百石。屬少府。後漢書梁商傳注。

內者主帷帳。後漢書皇后紀注。

朔平署司馬一人。後漢書桓帝紀注。案朔平署不見於續漢志。

尚書令主贊奏總典紀綱無所不統秩千石故公爲之朝會不陞奏事增秩二千石天子所服五時衣賜

尚書令其二公列卿將五營校尉行複道中遇尚書僕射左右丞皆迴車豫避。案初學記職官部又引尚

書官出百官寮皆迴車避也衛士傳不得紆臺官臺官過乃得去。唐六典一太平御覽職官部

尚書令侍中上東西寺及侍中寺。初學記職官部

尚書令秦官銅印墨綬。案初學記一引作漢初並用士人爲尚書令秩二千石與此異。又案墨當作青

見通典職官與後漢書輿服志合每朝會。案唐六典引有此三字與司隸校尉御史大夫中丞案唐六典

太平御覽引無大夫二字皆專席坐京師號曰三獨坐言其尊重如此。唐六典一初學記職官部兩引藝

文類聚禮部太平御覽職官部

漢舊置中書官領尚書事。北堂書鈔設官部

僕射秩六百石公爲之加至二千石。唐六典一

獻帝建安四年始置左右僕射以執金吾營郤爲左僕射衛臻爲右僕射。文選王文憲集序注

尚書唐虞官也書曰龍作納言朕命惟允。案藝文類聚白帖引俱有此四字詩曰惟仲山甫王之喉舌宣

王以中興秦改稱尚書漢亦尊此官典機密也。北堂書鈔設官部藝文類聚職官部白帖十七太平御覽

職官部

漢明帝詔曰。尙書蓋古之納言。出納朕命。機事不密。則害成。可不慎歟。北堂書鈔設官部。藝文類聚。職官部。太平御覽。職官部。

尙書四員。武帝置。成帝加一。爲五。有侍曹尙書。主丞相御史事。二千石尙書。主刺史二千石事。戶曹尙書。

主人。庶上書事。主客尙書。主外國四夷事。成帝加三公尙書。主斷獄事。後漢書。光武紀注。

尙書秩五百石。次補二千石。唐六典二。

初。秦代少府遣吏四。一在殿中。主發書。故號尙書。尙猶主也。漢因秦置之。故尙書爲中臺。謁者爲外臺。御

史爲憲臺。謂之三臺。初學記。職官部。文選。潘正叔贈王元貺詩注。袁紹檄豫州注。

尙書左丞。右丞。秩各四百石。遷刺史。太平御覽。職官部。

尙書令左丞。總領綱紀。無所不統。僕射右丞。掌廩假錢穀。唐六典一。

左右丞。久次郎補也。北堂書鈔。設官部。案。引作侍臣上注。

左右曹受尙書事。前世文士。以中書在右。因謂中書爲右曹。又稱西掖。初學記。職官部。兩引。太平御覽。職

官部。

尙書郎四人。一人主匈奴單于營部。一人主羌夷吏民。一人主案吏民二字。當在此下。見通典。天下戶口

土田墾作。一人主錢帛貢獻委輸。北堂書鈔。設官部。太平御覽。職官部。

尙書郎。初從三署郎選。詣尙書臺試。每一郎缺。則試五人。先試箋奏。初入臺。稱郎中。滿歲。稱侍郎。初學記。

職官部

尚書郎。初上詣臺稱守尚書郎。滿歲稱尚書郎中。三年稱侍郎。太平御覽職官部。

郎以孝廉。年未五十。先試牋奏。初上稱郎中。滿歲爲侍郎。北堂書鈔設官部。

尚書郎。初入臺爲郎中。滿歲稱爲侍郎。五歲遷太尉也。北堂書鈔設官部。

能通蒼頡史籀。案通典引作史籍。補蘭臺令史。滿歲補尚書令史。滿歲爲尚書郎。出亦與郎同。宰百里郎。

與令史分職受書。令史見僕射尚書。執板拜。見丞郎。執板揖。唐六典一通典職官。太平御覽職官部。

尚書郎見左右丞。對揖無敬。北堂書鈔禮儀部。

丞郎見令僕射。執板拜。朝賀對揖。丞郎見尚書。執板對揖。稱曰明時。案當云執板揖。無對字。見通典。郎見

左右丞。對揖。呼曰左右君。唐六典一初學記職官部。

尚書郎。主作文書起草。夜更直。五日于建禮門內。初學記職官部。白帖七十二。太平御覽職官部。

尚書郎。給青縑白綾。被以錦被。帷帳氈褥。通中枕。太官供食。湯官供麩餌。五熟果實。天下子一等。給尚書

史二人。女侍史二人。案初學記引作入直臺。解中給女侍史二人。皆選端正。從直女侍。執香爐燒。從入臺

護衣。奏事明光殿。省皆胡粉塗畫。古賢人烈女。郎握蘭含香。趨走丹墀。奏事黃門郎。與對揖。天子五時賜

服。案北堂書鈔引作賜珥赤管大筆一雙。分墨一丸。若郎處曹二年。賜遷二千石刺史。北堂書鈔設官部。

初學記職官部。太平御覽職官部。

尙書郎奏事明光殿。省中皆胡粉塗壁。其邊以丹漆地。故曰丹墀。尙書郎含雞舌香。伏其下。奏事。黃門侍郎對揖。跪受。太平御覽職官部。案引作漢官。

尙書令僕丞郎。月給赤管大筆一雙。篆題曰北工作。案太平御覽引作一宮工作。無下文十一字。楷於頭上象牙寸半。著筆下。藝文類聚雜文部。太平御覽文部。

尙書令僕丞郎。月賜渝麋大墨一枚。小墨一枚。初學記文部。

曹郎二人。掌天下歲盡集課。有尙書曹郎。有考功郎中一人。唐六典二。

武帝時。館陶公主爲子乞郎。不許。賜錢千萬。上曰。夫郎上應列宿。出居百里。使非其人。民受其傷。故時稱明慎之至也。北堂書鈔設官部。

漢制八座丞郎。初拜竝集都座交禮。遷又解交。唐六典一。初學記職官部。太平御覽職官部。

周禮有典瑞掌節之士。蓋所以宣命重威。爲國信者也。北堂書鈔設官部。

御史中丞二人。本御史大夫之丞。其一別在殿中。兼典蘭臺祕書。外督部刺史。內領侍御史。受公卿章奏。

糾察百寮。後漢書周紆傳注。初學記職官部。太平御覽職官部。案周紆傳注。引察作司。

御史奏官也。案周有御史掌邦國都鄙及萬民之治令。以贊冢宰。北堂書鈔設官部。太平御覽職官部。

案引皆曰漢官儀侍臣下曰。蓋其篇名也。

侍御史。周官也。爲柱下史。冠法冠。一曰柱後。以鐵爲之。或說古有獬豸獸。觸邪佞。故執憲者以其角形爲

冠耳。余覽奏事云。案奏當作秦。見通典。始皇滅楚。以其君冠賜御史。漢興襲秦。因而不改。後漢書何敞傳注。初學記。職官部。服食部。太平御覽。職官部。服章部。

柱史以鐵爲冠。張武曰。當以柱史惠文冠治之。錦繡萬花谷十一。

柱後冠。左傳南冠而縶。則楚冠也。秦滅楚。以其冠賜近臣御史服之。卽今獬豸冠也。古有獬豸獸。案此豸薦二字。皆當作鷹。觸不直者。故執憲以其形用爲冠。令觸人也。左氏正義。成公。

柱下史。老聃爲之。秦改爲御史。柱下史一名柱後史。謂冠以鐵爲柱。言其審。漢當有罔字。不撓也。北堂書鈔。設官部。

侍御史。出督州郡賦稅運漕軍糧。侍御史至後漢。復有護漕都尉官。建武七年。省。通典。職官。

老子爲周柱下史。張蒼秦時爲御史。主柱下方書。侍御史之任也。初學記。職官部。

治書侍御史。宣帝嘗幸宜室齋。居而決獄事。令侍御史二人治書。後置秩六百石。印綬與符璽郎共。平治廷尉奏事。北堂書鈔。設官部。

蘭臺令史六人。秩百石。掌書劾奏。後漢書。班固傳注。案。續漢志。蘭臺令史。秩六百石。

執金吾。比二千石。丞六百石。續漢志。補注。案。此條引作漢官秩。

執金吾。典執金革。以禦非常。北堂書鈔。設官部。

吾禦也。掌執金革。以禦非常。緹騎二百人。當有人字五十人。案。當作五百二十人。見續漢書志補注。通典。

此五百者伯也。輿馬導從充滿于路。世祖微時歎曰：仕宦當作執金吾，是也。續漢志補注：太平御覽職官部。案引作漢官，太平御覽又作宰尹下。

執金吾屬官。府武庫令丞。案：府當作有，見續漢書志補注。從騎二百人。案：後漢書寶憲傳注、張酺傳注引作緹騎，持戟五百二十人。輿服導從，光滿道路，羣僚之中，斯最壯矣。中興以來，但專微循，不預國政。北堂書鈔設官部。

執金吾車駕出，從六百騎走，六千二百人也。北堂書鈔設官部。

靜室令，式道候，秦官也。靜宮令，車駕出在前驅，靜清所微。車逆日以示重慎也。式道，左右凡三，惟車駕出迎，式道持麾王宮行之，乃閉。北堂書鈔設官部。案：續漢書志執金吾下本注云：本有式道，左右中候三人。六百石車駕出，掌在前清道，還持麾至宮門，宮門乃開云云。此所引多譌，當依彼訂。

太子太傅，日就月將，琢磨玉質。言太子有玉之質，琢磨以道也。文選：陸士衡侍宴宣猷堂詩注：劉越石勅遊表注：王元長曲水詩序注：太平御覽職官部。

詹事，秦官也。詹，省也。給也。秩二千石。廣韻：二十四鹽注：藝文類聚職官部：白帖七十一：太平御覽職官部。帝祖母爲太皇太后，其所居者長信宮。文選：齊敬皇后哀策文注。

帝祖母稱長信宮。帝母稱長樂宮，故有長樂少府、長信少府及職吏，皆宦者爲之。後漢書皇后紀注。永樂太僕，用中人爲之。後漢書皇后紀注。

太子舍人王家郎中案侯霸傳注引王家郎中作選良家子孫與續漢志補注引漢官同又案通典云比郎中選良家子孫續漢書志云更直宿衛如三署郎中此有譌脫竝秩二百石無員後漢書靈帝紀注侯霸傳注

皇太子五日至臺因坐東廂省視膳食以法制勅大官尙食宰吏非其朝日使僕中允請問明不媿黷所以廣敬也太子僕一人秩千石中允一人四百石主門衛徵巡後漢書班彪傳注安帝時太子謁廟門大夫乘從兩梁冠通典職官

門大夫選四府掾屬通典職官

將作大匠世祖中興以謁者領其官章帝建初元年乃置真位次河南尹永元七年案續漢志補注引漢官作永元十年大匠應慎上言百郡計吏觀國之光而舍逆旅崎嶇私館賈籠之物朽濕曝露昔晉國霸之盟主耳舍諸侯子隸人鄭子產以爲大譏況今四海之大而可無乎和帝嘉納之卽創業焉續漢志補注藝文類聚職官部太平御覽職官部

左校署屬將作大匠後漢書皇甫規傳注

洛陽十二門東面三門最北名上東門次南曰中東門每門校尉一人秩二千石司馬一人秩千石候一人秩六百石後漢書張湛傳注張奮傳注

平城門爲宮門不置候置屯司馬秩二千石續漢志補注案此條引作漢官秩



十二門皆有亭。後漢書皇后紀注。

上西門。所以不純白者。漢家扈於戌。案續漢志補注引作漢家初戌。故以丹漆鏤之。續漢志補注。太平寰宇記。河南道。案續漢志補注引作故丹鏤之。

開陽門始成。未有名夜。案續漢志補注引夜作宿昔。有一柱來止樓上。琅邪開陽縣上言。縣南城門一柱飛去。光武皇帝使來識視之。良是。案續漢志補注引良是作悵然。遂堅縛之。因刻記其年月。以名門焉。後

漢書循吏傳注。續漢志補注。水經注。穀水。太平寰宇記。河南道。兩引文選懷舊賦注。太平御覽居處部。

屯騎。越騎。步兵。射聲。各領士七百人。長水。領士七千三百六十七人。後漢書安帝紀注。

驍騎。漢官也。武帝以李廣爲之。後世祖建武九年。始改屯騎。北堂書鈔設官部。

越騎司馬一人。秩千石。後漢書鄭衆傳注。

步兵校尉。比二千石。掌宿衛兵。屬北軍中候。後漢書皇后紀注。

司隸校尉部河南內。案內上。當有河字。右扶風。左馮翊。京兆。河東。宏農七郡。案後漢書魯恭傳注引作董

領京師及三輔。三河。宏農。段頴傳注引作部河南洛陽。管三輔。三河。宏農七部。於河南洛陽。故謂東京爲

司隸。後漢書光武紀注。

司隸校尉征和中陽石子孫敬聲。案子當作公。巫蠱之獄。乃依周禮。置司隸校尉。持節都督大姦猾事。復置其司。今董領京師。三輔。三河。宏農者。北堂書鈔設官部。

司隸校尉糾皇太子三公以下及旁州郡國無不統陛下見諸卿皆獨席太平御覽職官部

司隸校尉初置唯寔領王章鮑宣糾上檢下嚴刑必斷貴戚憚之京師政清北堂書鈔設官部

司隸都官從事主洛陽百官朝會與三府掾同後漢書竇武傳注北堂書鈔設官部案北堂書鈔引作

掌洛陽中百姓

司隸功曹從事卽治中也後漢書傳燮傳注太平御覽職官部

別駕秩百石同諸郡從事北堂書鈔設官部

河南尹所治周地也洛陽本周城案周城當作成周周之衰微分爲西周案西上當有東字東周洛陽西

周河南秦兼天下置三川守河雒伊也案藝文類聚引河雒伊作洛陽伊誤漢更名河南孝武皇帝增曰

太守世祖中興徙都雒陽改號爲尹尹正也詩曰赫赫師尹藝文類聚地部職官部太平御覽職官部

尹正也郡府聽事壁諸尹畫贊肇自建武訖于陽嘉注其清濁進退所謂不隱過不虛譽甚得述事之實

後人是瞻足以勸懼雖春秋采毫毛之善貶纖介之惡不避王公無以過此尤著明也續漢志補注

仁恕掾主獄屬河南尹後漢書魯恭傳注

周盤二代曰伯漢興海內未定令刺史舉州事北堂書鈔設官部

孝武皇帝南平百越北攘夷狄置交阯朔方之州復徐梁之地改雍曰梁改梁曰益凡十三州所以交朔

獨不稱州明示帝王未必相襲始開北方遂交南方爲子孫基阯也後漢書光武紀注太平御覽職官部

孝武元封四年始御史丞相之遷部刺史十三人乘驛奏事北堂書鈔設官部

朱博言刺史督察郡國從來故事居九歲案居下當有部字爲守相北堂書鈔設官部

翟方進奏刺史位下大夫而臨二千石輕重失次請罷署牧案署當作置見通典所載何武與翟方進奏

秩二千石者也北堂書鈔設官部

元帝時丞相于定國條州大小爲設吏員治中別駕諸部從事秩皆百石同諸郡從事北堂書鈔設官部

太平御覽職官部

秦用李斯議分天下爲三十六郡凡郡或以列國陳魯齊吳是也或以舊邑長沙丹陽是也或以山林太

山山陽是也或以川源西河河東是也或以所出金城城下有金酒泉泉味如酒案初學記州郡部藝文

類聚水部太平御覽地部引酒泉城下有金泉泉味如酒故曰酒泉豫章章樹生庭中案水經注贛水太

平御覽木部俱引此句鴈門鴈之所育是也或以號令禹合諸侯大計東冶之山會稽是也水經注河水

太平御覽州郡部

京兆絕高曰京京犬也十億曰兆欲令帝都殷盈也

左輔右弼蕃翊承風也張掖始開垂張臂掖也太平御覽州郡部案後漢書明帝紀注引張國臂掖故

曰張掖

馮輔蕃翊故以爲名太平御覽州郡部

宏大也。所以廣大農業也。太平御覽州郡部。

濟南、樂安、齊國、東萊、平原、北海、六郡、青州所管也。青州在齊國臨淄。後漢書史弼傳注。

荊州管長沙、零陵、桂陽、南陽、江陵。案陵當作夏。武陵南郡。案續漢書志荊州郡七。此上是也。下章陵乃南

陽縣中有脫文。章陵後漢書劉表傳注。

大府秩二千石。丞一人。邊郡稱長史。皆六白石丞者。丞也。長史衆史之長。北堂書鈔設官部。

都尉秦官也。本名郡尉。掌佐太守典其武職。秩比二千石。孝景時更名都尉。後漢書彭修傳注。

秦郡有尉一人。典兵禁補盜賊。案補當作備。見續漢書志。景帝更名都尉。建武十年省。惟邊郡置都尉及

屬國都尉。後漢書桓帝紀注。

京兆虎牙扶風都尉。案耿恭傳注引有郡比二千石五字。以涼州近羌數犯三輔。將兵衛護園陵。扶風都

尉居雍縣。故俗人稱雍營焉。後漢書安帝紀注。耿恭傳注。寶憲傳注。南匈奴傳注。

蓋天生五材。民竝用之。廢一不可。誰能去兵。兵之設尚矣。易稱弦木爲弧。剡木爲矢。弧矢之利。以威天下。

春秋三時務農。一時講武。詩美公劉。匪居匪康。入耕出戰。乃裹餼糧。干戈戚揚。四方莫當。自郡國罷材官。

騎士之後。官無警備。實敢寇心。一方有難。三面救之。發興雷震。煙蒸電激。一切取辦。黔首囂然。不及講其。

射御。用其戒誓。一旦驅之。以卽強敵。猶鳩鵠捕鷹鷂。豚羊弋豺虎。是以每戰常負。王旅不振。張角懷挾妖。

僞。遐邇搖蕩。八州竝發。煙炎絳天。牧守梟裂。流血成川。爾乃遠徵三邊。殊俗之兵。非我族類。忿鷙縱橫。多。

僂良善。以爲己功。財貨糞土。哀夫民氓。遷流之咎。見出在茲。不教而戰。是謂棄之。跡其禍敗。豈虛也哉。春秋家不藏甲。所以一國威。抑私力也。今雖四海殘壞。王命未洽。折衝壓難。若指於掌。故置右扶風。案此下當脫文。續漢志補注。

世祖中興。海內人民。可得而數。裁十二三。邊陲蕭條。靡有子遺。鄣塞破壞。亭隊絕滅。建武二十一年。始遣中郎將馬援。謁者分築烽候。堡壁稍興。立郡縣十餘萬戶。案二字有譌。或空置太守令長。招還人民。上笑曰。今邊無人。而設長吏治之。難如春秋素王矣。乃建立三營。屯田殖穀。弛刑謫徒。以充實之。續漢志補注。高祖命天下郡國。選能引關蹶張。材力武猛者。以爲輕車騎士。材官樓船。常以立秋後。講詣課試。各有員數。平地用車騎。山阻用材官。水泉用樓船。後漢書光武紀注。

民年二十三爲正。一歲以爲衛士。一歲爲材官騎士。習射御騎馳戰陣。八月。太守都尉令長相丞尉會都試。課殿最。水家爲樓船。亦習戰射。行船過郡。太守各將萬騎行。鄣塞烽火。追虜置長史一人。丞二人。治兵民。當兵行長領置部尉千人。司馬候農都尉。皆不治兵。不給衛士。材官樓船。年五十六。老衰。乃得免爲民。就田。應合選爲亭長。亭長課徼巡。尉皆習。設備五兵。五兵弓弩戟楯刀劍甲鎧鼓吏赤幘行膝。帶劍佩刀。持楯被甲。設矛戟。習射。設十里一亭。亭長亭候。五里一郵。郵閒相去二里半。司姦盜。亭長持二尺版。以劾賊。索繩以收執賊。續漢志補注。案此條亦見漢舊儀。

督郵功曹郡之極位。後漢書張輔傳注。

孝廉古之貢士者儒甲科之謂也。北堂書鈔設官部。

孝廉年未五十先試箋奏初上試之以事非試之以誦也。北堂書鈔設官部。

孝武元封四年詔曰上士貢名茂才者是也。北堂書鈔設官部。

元朔元年詔二千石舉孝廉以化風俗。北堂書鈔設官部。

元朔元年詔曰深詔執事興孝廉成風俗。紹聖緒。北堂書鈔設官部。

和帝詔曰大郡口五十萬舉孝廉二人。北堂書鈔設官部。

前書百官表云萬戶以上爲令萬戶以下爲長。三邊始孝武皇帝所開縣戶數百而或爲令。荆揚江南七

郡惟有臨湘南昌吳三令爾及南陽穰中土沃民稠四五萬戶而爲長。桓帝時以江南陽安爲女公主邑

改號爲令主薨復復其故若此爲繫其本俗說令長以水土爲之及秩高下皆無明文。班固通儒述一代

之書斯近其真。續漢志補注。

明帝臨觀見洛陽令車騎意河南尹及至而非尤其太盛。敕去軒綬時偃師長治有能名以事詣臺因取

賜之下縣遂以爲故事。通典職官太平御覽職官部。

大縣丞左右尉所謂命卿三人小縣一尉一丞命卿二人。續漢志補注通典職官太平御覽職官部。

北邊郡庫官之兵器所藏故置令。漢書成帝紀注河間獻王傳如淳注。

使匈奴中郎將擁節秩比二千石。後漢書光武紀注。

使匈奴中郎將屯西河美稷縣。後漢書光武紀注。

擁節屯中步南。設官府掾史。單于歲遣侍子來朝。謁者常送迎焉。得路弓馬氈罽他物百餘萬。謁者事訖還。具表付帑藏。詔書敕自受。續漢志補注。

護烏桓校尉。孝武帝時。烏桓屬漢。始于幽州置之。擁節監領。秩比二千石。太平御覽職官部。

烏桓校尉。屯上谷密縣。後漢書張奐傳注。

擁節長史一人。司馬二人。皆六百石。并領鮮卑。客賜質子。歲時胡市馬。續漢志補注。案此屬烏桓校尉。

護羌校尉。武帝置。秩比二千石。持節以護西羌。王莽亂。遂罷。時班彪議宜復其官。以理冤結。帝從之。以牛

部爲護羌校尉。于隴西令居縣。後漢書光武紀注。

擁節長史。司馬二人。皆六百石。續漢志補注。案此屬護羌校尉。史字下亦當有一人二字。

戊己中央鎮撫四方。又開渠播種。以爲厭勝。故稱戊己焉。後漢書明帝紀注。西域傳注。案戊己校尉不

見于續漢志。

西域都護。武皇帝始開通西域三十六國。其後稍分至五十餘國。置使者校尉以領護之。宣帝神雀三年。改曰都護。秩二千石。平帝時省都護。令戊己都護領之。太平御覽職官部。

馬曰羈牛。曰麋。言制四夷如牛馬之受羈縻也。史記司馬相如列傳。索隱文選難蜀父老注。

諸侯功德優盛。朝廷所敬異者。賜位特進。在三公下。其次朝廷。案廷當作侯。在九卿下。其次侍祠侯。其次

下士小國侯。案續漢書志無此句。似當云無士關內侯。以肺腑親公主子孫奉墳墓于京師。亦隨時朝見。是爲限諸侯。案限當作猥。後漢書和帝紀注鄧禹傳注。

皇后父兄率爲特進侯。朝會位次三公。故章帝啟馬太后曰。漢典舅氏之封侯。猶皇子之爲王。其功臣四姓。爲朝侯。侍祠侯。皆在卿校下。通典職官。

天子建侯。上法四七。後漢書劉瑜傳注。

伯使。主爲諸侯官。驅使避路于道陌中。故言伯使。通典職官引云。漢官中有伯使云云。

太保。俸月三百五十斛。唐六典一。

中二千石。俸月百八十斛。史記外戚世家索隱。

二千石。其俸月百二十斛。史記外戚世家索隱。

斗食。月俸一斛。佐史月俸八斛。漢書百官公卿表注。通典職官。案引皆作漢官名秩簿。

張敞。蕭望之。言曰。夫倉廩實而知禮節。衣食足而知榮辱。今小吏俸率不足。常有憂父母妻子之心。雖欲

潔身爲廉。其勢不能。請以什率增天下吏俸。宣帝乃益天下吏俸什二。通典職官。

范遷。字子閭。沛人也。後漢書明帝紀注。牟融傳注。案凡引人名。皆舉其官。今不能知者。總附于此。

王敏。字叔公。并州隰城人也。後漢書明帝紀注。

尹睦。字伯師。河南鞏州人也。後漢書和帝紀注。張酺傳注。



梁鮪字伯元河東平陽人也後漢書殤帝紀注魯恭傳注

周章字次叔荊州隨縣人也後漢書安帝紀注

李修字伯游豫州襄城人也後漢書安帝紀注虞詡傳注李膺傳注

劉授字孟春徐州武原人也後漢書安帝紀注楊震傳注

呂蓋字君上范陵人後漢書魯恭傳注

許訓字季師平輿人後漢書劉寬傳注

宋俱字伯儷後漢書宋均傳注

陶敦字文理京兆人也後漢書虞詡傳注

劉矩字叔方後漢書皇甫規傳注

尹詵字公孫鞏人也後漢書段熲傳注

樊陵字德雲後漢書李膺傳注

劉宏字子高安衆人後漢書董卓傳注



# 漢官儀卷下

皇者大也。言其煌煌盛美。帝者德象天地。言其能行天下。號曰皇帝。道舉措審諦。父天母地。爲天下主。太平御覽皇王部。

光武帝雖十二於父子之次。於成帝爲兄弟。於哀帝爲諸父。於平帝爲祖父。皆不可爲之後。上至元帝。於光武爲父。故上繼元帝而爲九代。故河圖云。赤九會昌。謂光武也。後漢書光武紀注。

皇后稱椒房。取其蕃實之義也。案初學記。一切經音義。引作國風美其繁興。太平御覽引作美其繁蕪。在

下文引詩下。詩云。椒聊之實。蕃衍盈升。案太平御覽引作蔓延盈升。以椒塗室。取溫暖。除惡氣也。案廣韻。

四霽注。引作取其溫也。猶天子朱泥殿上。曰丹墀也。後漢書皇后紀注。初學記。中宮部。藝文類聚。后妃部。

一切經音義十九。錦繡萬花谷九。白帖三十七。太平御覽皇親部。居處部。案文選景福殿賦注。引作漢

舊儀。

婕妤以下。皆居掖庭。後漢書班固傳注。文選西都賦注。

掖庭。後宮所處。中宮。謂諸中人。後漢書宦者傳論注。

姬。內官也。秩比二千石。位次婕妤下。在八子上。漢書文帝紀。臣瓚注。案引作秩祿命。

姬妾數百。漢書文帝紀注。

北郊壇在城西北角去城一里所謂方壇四陛但存壇祠舍而已其鼓吹樂及舞人御帳皆從南郊之具地祇位南面西上高皇后配西面皆在壇上地理羣神從食壇下南郊焚牘北郊埋牘後漢書光武紀注祭地于河東汾陰后土宮宮曲入河古之祭地澤中方丘也以夏至日祭其禮儀如祭天後漢書光武紀注

馬第伯封禪儀祀曰案封禪儀馬第伯所作劭錄之於此書羣書注有引封禪儀或引馬第伯封禪記者皆此書文也史記孝武本紀索隱封禪儀見應劭漢官儀車駕正月二十八日發雒陽宮二月九日到魯遣守謁者郭堅伯將徒五百人治泰山道十日魯遣宗室諸劉及孔氏瑕邱丁氏上壽受賜皆詣孔氏宅賜酒肉十一日發十二日宿奉高是日遣虎賁郎將先上山三案行還益治道徒一千人十五日始齋案通典引下作諸扈從王公以下及東方諸侯盡齋十四字無下文一段國家居太守府舍諸王居府中諸侯在縣庭中齋諸卿校尉將軍大夫黃門郎百官及宋公衛公褒成侯東方諸侯雒中小侯齋城外汝水上太尉太常齋山虞馬第伯自云某等七十人先之山虞觀祭山壇及故明堂宮郎官等郊肆處入其幕府觀治石石二枚狀博平圓九尺此壇上石也其一石武帝時石也時用五車不能上也因置山下爲屋號五車石四維距石長丈二案通典引二下有尺字廣二尺厚尺半所四枚檢石長三尺廣六寸狀如封篋長檢十枚一紀號石高丈二尺廣三尺厚尺二寸名曰立石一枚刻文字紀功德案太平御覽地部引作石二枚一是武帝時石用五車載不能上因置山中爲屋號五車石一是刻號紀功德立壇上藝文類

聚地部引同是朝上山騎行往往道峻峭下騎步牽馬乍步乍騎且相半至中觀留馬去平地二十里南向極望無不觀案通典引望作眺仰望天關如從谷底仰觀抗峯其爲高也如視浮雲其峻也石壁窄窅如無道徑遙望其人端如行朽兀或爲白石或雪案太平御覽地部引作望人如孟升或以爲小白石或以爲冰雪久之白者移過樹乃知是人也案通典引遙望至此二十七字無殊不可上四布僵臥石上有頃復蘇亦賴齋酒肺處處有泉水目輒爲之明復勉強相將行到天關自以已至也問道中人尙十餘里其道旁山脊大者廣八九尺狹者五六尺仰視巖石案通典引視作窺松樹鬱鬱蒼蒼若在雲中俛視谿谷碌碌不可見丈尺遂至天門之下仰視天門窅邃如從穴中視天直上七里賴其羊腸透迤名曰環道往往有緼索可得而登也兩從者扶掖前人相牽後人見前人履底前人見後人頂如畫重累人矣案通典引矣作耳所謂摩胸擦石捫天之難也初上此道行十餘步一休稍疲咽唇焦五六步一休牒牒據頓地不避濕闇前有燥地目視而兩腳不隨案通典引所謂至此五十一字無早食上脯後到天門郭使者得銅物銅物形狀如鐘又方柄有孔莫能識疑封禪具也得之者汝南召陵人姓楊名通東上一里餘得木甲木甲者武帝時神也東北百餘步得封所始皇立石及闕在南方漢武在其北二十餘步得北垂圓臺高九尺方圓三丈所有兩陛人不得從上從東陛上臺上有壇方一丈二尺所上有方石四維有距石四面有闕鄉壇再拜謁人多置錢物壇上亦不埽除國家上見之則詔書所謂酢梨酸棗案太平御覽果部兩引云光武封泰山上壇見酢梨酸棗上問其故主者曰百官上者所置上曰封禪大禮千歲一會衣

冠士大夫何故爾也。狼藉散錢處數百幣帛。具道是武帝封禪。至泰山下未及上。百官爲先上。案續漢志補注引無先字。通典引有跪拜。置黍棗錢千道以求福。卽此也。東山名曰日觀。案藝文類聚天部太平御覽地部引作泰山東南有峯名曰日觀。水經注汶水引作東南山頂。日觀者雞一鳴時見日始欲出。長三丈所。秦觀者望見長安。案文選顏延年詩注引此作漢舊儀。吳觀者望見會稽。周觀者望見齊。西北有石室壇以南有玉盤。中有玉龜。案藝文類聚禮部雜器物部文選張平子四愁詩注白帖十三太平御覽器物部珍寶部引同。山南脅神泉飲之極清美。利人日入下去行數環。日暮時頗雨不見其道。一人居其前。先知蹈有人乃舉足隨之。比至天門下夜人定矣。續漢志補注通典禮案通典引文多刪節。

太山盤道。屈曲而上。凡五十餘盤。經小天門。大天門。如從穴中視天窻矣。案太平御覽居處部引泰山有天窻。自下至古封禪處。凡四十里。山頂西巖爲仙人石闕。東巖爲介邱。案下本有東南巖名日觀一段已見上。今刪。黃河去太山二百餘里。於祠所瞻黃河如帶。若在山陞。山南有廟。悉種柏千株。大者五六十圍。相傳云漢武所種。小天門有秦時五大夫松。見在。初學記地部太平御覽地部。

泰山東上七十里。至天門。初學記地部。

秦始皇上封太山。逢疾風暴雨。賴得松樹。因復其下。封爲五大夫。藝文類聚木部太平御覽木部事類賦。

車駕十九日之山虞。國家居亭。案藝文類聚禮部引作建武三十二年。東巡狩。二月九日到營。十九日國。

家居亭百官布野。此日山上雲氣成宮闕。百官竝見之。二十一日夕。牲時。白氣廣一丈。東南極望。致濃厚。時天清和無雲。瑞命篇岱嶽之瑞。以日爲應也。續漢志補注。案補注皆作封禪儀。下同。

建武三十二年。車駕東巡狩。正月二十八日。發雒陽宮。二月九日。到魯。十二日。宿奉高。十五日。始齋。十九日之山虞。國家居亭。二十一日夕。牲。二十二日。祭日。高三丈所。燔燎。正北鄉。禮畢。百官以次上。國家時御。

輦人挽升車也。北堂書鈔禮儀部。案。車當作山。

晨祭也。日高二丈所。燔燎烟。正北也。續漢志補注。

百官各以次上。郡儲輦三百。爲貴臣諸公王侯卿大夫。百官皆步上。少用輦輦者。續漢志補注。

國家御首輦人輓升山。案。北堂書鈔車部引作乘王輦以升山。至中觀休須臾。復上。續漢志補注。

須臾羣臣畢就位。續漢志補注。

國家臺上北面。虎賁陞戟臺下。續漢志補注。

建武三十二年二月辛卯。登封太山。皇帝北面。尙書令奉玉牒檢進。南面跪。太常曰。請封皇帝親封。畢。退復位。太常曰。請拜皇帝再拜。大行禮畢。羣臣皆呼萬歲。命人發壇上石。尙書令藏玉牒。封石檢也。北堂書

鈔禮儀部三引。

騶騎二千餘人發壇上方石。續漢志補注。

以金爲繩。以石爲泥。南三檢。案。續漢志補注。通典引無爲泥南三字。東方西方各二檢。案。二當依通典引。

作三。又案續漢志通典皆云東西各三南北各二此有誤檢中石泥及壇土色赤白黑案赤上當有青字各依如其方色續漢志補注通典禮北堂書鈔禮儀部

封禪太山卽武帝封處累其石登壇置玉牒書封石此中復封石檢藝文類聚禮部

羣臣稱萬歲音動山谷有青氣屬天遙望不見山巔山巔人在氣中不知也續漢志補注北堂書鈔禮儀

部太平御覽天部案續漢志補注引無青字北堂書鈔天部引作白氣

世祖封禪久案久當作夕有白氣一丈東南正直壇所有青氣上與天屬遙望不見此瑞命之符也太平

御覽休徵部

元封封禪書有白氣案書當作晝夜有光下天下案此下字當衍闕石門選文類聚禮部

封畢有頃詔百官以次下國家隨後數百人維持行相逢推百官連延二十餘里道多迫小深谿高岸數

百丈步從匍匐邪上起近炬火止亦駱驛步從觸擊大石石聲正謹但謹石見相應和者腸不能已口不

能默夜半後到百官明日乃訖其中老者氣劣不能行臥巖石下明日早太醫令復遵問起居國家云昨

上下山欲行迫前欲休則後人所蹈道峻危險恐不能度國家不勞百官以下露臥水飲無一人蹉跌無

一人疾病豈非天邪泰山率多暴雨如今上直下柴祭封登清晏溫和明日上壽賜百官省事事畢發暮

宿奉高三十里明日發至梁甫九十里夕牲續漢志補注案此條有誤字

功效如彼天應如此羣臣上壽國家不聽續漢志補注



建武三十二年。車駕東巡狩。二月二十二日。祭上。日中到山。禮畢。羣臣稱萬歲。有頃。詔百官以次下。明堂。當有日字。問起居。二十四日發。至梁父九十里。夕牲。二十五日禪祭于梁陰。陽者祭天。陰者祭地。始元舊禮。以高帝配天。高后配地。北堂書鈔設官部。

明堂四面起土作塹。上作橋。塹中無水。明堂去平城門二里所。天子出。從平城門。先歷明堂。乃至郊祀。後

漢書光武紀注。

辟雍。去明堂三百步。車駕臨辟雍。從北門入。三月九月。皆于中行。鄉射禮。辟雍以水周其外。以節觀者。諸侯曰泮宮。東西南有水。北無。下天子也。後漢書光武紀注。

辟雍四門。外有水。以節觀者。門外皆有橋。後漢書儒林傳序注。大射于曲臺。漢書藝文志如淳注。

春三月秋九月。習鄉射禮。禮生皆使太學學生。後漢書儒林傳序注。

立春之日。遣使者賜文官司徒司空帛三十匹。案續漢志補注引作四十四。九卿十五匹。武官太尉大將

軍各六十匹。執金吾諸校尉各三十匹。武官倍于文官。續漢志補注通典職官太平御覽時序部案續

漢志補注引作名秩在立秋下。

古不墓祭。秦始皇起寢于其側。漢因而不改。諸陵寢皆以晦望。二十四氣三伏社臘及四時上飯。其親寢所宮人隨鼓漏。理被枕具盥水。陳莊具。天子以正月上原陵。公卿百官及諸侯王。郡國計吏皆當軒下。占其郡國穀價。四方改易。欲先帝魂魄聞之也。後漢書明帝紀注。

天子東耕之日親率三公九卿戴青幘冠青衣載青旂駕青龍公卿以下車駕如常法往出種堂天子升壇上空無際公卿耕訖天子耕于壇舉耒三而已北堂書鈔禮儀部藝文類聚禮部文選籍田賦注太平御覽禮儀部

天子升壇公卿耕訖耆夫下種凡稱藉田爲千畝亦曰帝藉亦曰耕藉亦曰東耕亦曰親耕亦曰王藉初學記禮部藝文類聚禮部太平御覽禮儀部

天子父事三老兄事五更天子親割三公設几九卿正履祝哽在前祝咽在後北堂書鈔設官部文選辟雍詩注太平御覽禮儀部三老五更三代所尊也安車輓輪送迎至家天子獨拜於屏三者道成於天地人老者久也舊也五者訓于五品更者五世長子更更相代言其能以善道改更已也三老五更皆取有首妻男女完具後漢書明帝紀注續漢志補注北堂書鈔設官部

伏日萬鬼所行故盡日閉案太平御覽引作故謹不干它事後漢書和帝紀注太平御覽時序部

大將軍三公臘賜錢各三十萬牛肉二百斤稷米二百斛特進侯十五萬卿十萬校尉五萬尙書丞郎各萬五案何敞傳注引作尙書三萬侍中將大夫各二萬千石六百石各七千侍御史謁者議郎尙書令各五千郎官蘭臺令史二千案續漢志補注引二作三中黃門羽林虎賁士二人共三千以爲當祠門戶直各隨多少受也後漢書何敞傳注續漢志補注案續漢志補注引作名秩

正月旦天子御德陽殿臨軒公卿大夫百官各陪位朝賀蠻貊胡羌朝貢畢見屬郡計吏皆陛覲宗室諸

劉雜會皆冠兩梁冠單衣。既定計，吏中庭北向坐。大官上食，賜羣臣酒食。作九賓撤樂。藝文類聚禮部大平御覽時序部。

正月朔，賀三公案。藝文類聚引作大將軍三公朝會，下文亦少異。奉璧上殿，嚮西北。太常贊曰：皇帝爲三

公與三公伏。皇帝坐，乃前進璧。古語曰：御坐則起。此之謂也。藝文類聚禮部大平御覽時序部。

元日朝賀，三公拜壁殿上，獻壽觴。太平御覽時序部。

正旦飲柏葉酒，上壽。太平御覽木部。

明帝永平元年，光烈陰皇后葬，魂車鸞輅，青羽蓋，駕四馬，旂九旒，前有方相，鳳皇車，大將軍妻參乘，太僕

御女騎夾轂。宋書禮志通典禮案，僕下當有妻字。

天子法駕，所乘曰金根車，駕六龍，以御天下也。有五色安車，有五色立車，各一，皆駕四馬。毛詩說云：四者

示有四方之志也。是爲五時副車。藝文類聚舟車部大平御覽車部。

天子出祭陵，常乘金根車。春二月，青龍居在前，秋八月，白虎在前。太平御覽車部。

大路龍旂，畫龍於旂上也。隋書禮儀志。

皇后，婕妤乘輦，餘皆以茵。四人輿以行。文選西都賦注，太平御覽皇親部。

孝景帝六年，令二千石朱兩，音編，千石六百石，朱輻，較車耳反，出爲藩屏也。太平御覽車部。

皇帝起居，索室清宮而後行。史記孝文本紀，索隱北堂書鈔帝室部。

天子車駕次第謂之鹵簿。有大駕、法駕、小駕、大駕、公卿奉引、大將軍參乘、太僕御、屬車八十一乘、備千乘萬騎。案史記梁孝王世家索隱引下有而出二字。侍御史在左駕馬，詢問不法者。史記孝文本紀索隱，梁孝王世家索隱後漢書皇后紀注，班固傳注唐六典十七文選東京賦注。

祭南郊，乘大駕，奉引如故。其餘羣司百官大出，祭北郊，乘大駕，奉引如故。其餘十歲五帝雞翅埽前後諸軍悉行者也。北堂書鈔儀飾部。

大駕鹵簿五營校尉在前。案西京賦注引漢有五營，名曰填衛。文選藉田賦注。

乘輿，大駕則御鳳皇車，以金根爲副。續漢志補注。案引作漢官鹵簿。

漢乘輿，大駕儀，公卿奉引，太僕御，大將軍驂乘，屬車八十一乘，備千乘萬騎。法駕儀，公卿不在鹵簿中。河

南尹執金吾，洛陽令。案史記孝文本紀索隱引作京兆尹，長安令。又案此下當有奉引二字，見續漢志。

奉車都尉。案都尉當作郎御，見續漢志。侍中參乘，屬車三。案續漢志三作四，誤。十六乘。史記孝文本紀索

隱，留侯世家索隱，太平御覽儀式部。

甘泉鹵簿，有道車五乘，游車九乘，在輿前。太平御覽車部。

前驅有雲。案當有罕字。皮軒，鑾旗車。後漢書楊秉傳注。

清道，以旄頭爲前驅。後漢書儒林傳序注。

舊選羽林郎，旄頭被髮。案太平御覽引作放髮爲前驅。今但用營士。後漢書光武紀注，太平御覽儀式部。

豹尾過後執金吾罷屯解圍。天子鹵簿中後屬車施豹尾于道路。豹尾之內爲省中。水經注：江水騎執菰。初學記：樂部。

太常駕四馬。主簿前車八乘。有鈴下侍閣。辟車騎吏五百等員。唐六典十四。案以下三條唐六典引俱作鹵簿篇。又後漢書周紆傳注引鈴下侍閣辟車此皆以名自定者也。

衛尉駕四馬。主簿前車八乘。有鈴下侍閣。辟車騎吏等員。唐六典十六。

鴻臚駕四馬。主簿。唐六典十八。

班劍者以虎皮飾之。文選：王文憲文集序注。案：儉薨追贈太尉增班劍爲六十人。續漢志：佩刀虎賁黃室虎文。其將白虎文。然則班劍者亦鹵簿中所有也。

衣裳公侯華蟲。卿大夫藻。火。太平御覽職官部。案：與續漢志輿服不合。此當有誤。

周冕與古冕略等。周加垂旒。天子前後垂眞白珠各十二。太平御覽服章部。

冕廣七寸。長八寸。左氏正義：桓公。

天子冠通天。諸侯王冠遠遊。三公諸侯冠進賢。三梁。卿大夫尙書。二千石博士冠兩梁。二千石以下至小吏冠一梁。案：志引作平帝元始五年令公卿列侯冠三梁。二千石兩梁。千石以下一梁。三禮圖引亦作千石。此作二千石誤。天子公卿特進諸侯祀天地明堂皆冠平冕。天子十二旒。三公九卿。案：三禮圖引作九旒。諸侯七旒。其纓各如其綬色。元衣。纁裳。後漢書：明帝紀注。張宗傳注。隋書禮儀志。聶崇義三禮圖。

幘者古之卑賤執事不冠者之所服也。後漢書光武紀注初學記服食部藝文類聚服部太平御覽服章部

孝武時天子以下未有幘。元帝額上有壯髮不欲使人見乃使進幘。羣寮隨焉。太平御覽皇王部。

幘本無巾。如今半幘而已。王莽無髮因爲施巾。故里語曰王莽頭禿施幘屋。太平御覽皇王部。

孔子稱封太山禪梁父可得而數七十有二。傳曰封者以金泥銀繩印之以璽。璽施也。信也。古者尊卑共之。月令曰固封璽。春秋傳襄公在楚季武子從公治問璽書追而與之是也。秦漢以來尊者以爲名乃使避。太平御覽儀式部。

子嬰上始皇璽因服御之代代傳受號曰漢傳國璽。史記高祖本紀索隱。

天子有傳國璽。文曰受命于天既壽且康不以封也。北堂書鈔儀飾部太平御覽儀式部

璽皆白玉螭虎紐。文曰皇帝行璽。皇帝之璽。皇帝信璽。天子行璽。天子之璽。天子信璽。凡六璽。皇帝行璽。

凡封案句絕之璽。賜王侯書案句絕。信璽發兵案句絕。徵大臣。天子行璽案句絕。策拜外國及案當有譌。

脫事天地鬼神璽案璽上當有脫皆見漢舊儀皆以武都紫泥封青囊白素裏兩端無縫尺一板案後漢

書李雲傳注尺一之板謂詔策也見漢官儀中約署皇帝帶綬黃地六采不佩璽璽以金銀膝組侍中組

負以從秦以前民皆佩綬金玉銀銅犀象爲方寸璽各從所好奉璽書使者乘馳傳其驛騎也三騎行晝

夜千里爲程。通典禮案此段亦見漢舊儀。

金銅符五竹使符十文選冊魏九錫文注

銅虎符發兵長六寸竹使符出入徵發史記孝文本紀索隱

印者因也所以虎紐案北堂書鈔引作虎鈕太平御覽引作虎細皆字之譌陽類虎獸之長取其威猛以執伏案北堂書鈔引作繫服羣下也龜者陰物抱甲負文隨時蟄藏以示臣道功成而退也北堂書鈔儀

飾部太平御覽儀式部

尚書僕射銅印青綬續漢志補注通典禮

孝武皇帝元狩四年案初學記引作二年又有卿秩中二千石六字令通官印方寸大小官印五分王

公侯金二千石銀千石以下銅印初學記職官部太平御覽儀式部案初學記引無末句銀下有印龜

紐三字

千石至三百石銅印北堂書鈔儀飾部

六百石銅章墨綬後漢書蔡邕傳注

綬者有所承受也所以別尊卑彰有德也北堂書鈔儀飾部初學記器物部案此下綬諸條與續漢志

與服皆不合亦見丁孚漢儀

綬者有所承受也長一丈二尺法十二月闊三丈案廣韻四十四有注引作廣三尺法天地人舊用赤葦示不忘古也秦漢易之以絲今綬如此北堂書鈔儀飾部

乘輿綬黃地案初學記引下有骨字白羽青絳綠五采四百首長二丈三尺北堂書鈔儀飾部初學記器物部

諸王綬四采絳地案初學記引下有骨字白羽案北堂書鈔引作黃地黃羽誤青黃綠案綠上當有去字赤圭二百六十首長二丈一尺侯綬絳地纁紺百二十首長二丈案二當作一八尺北堂書鈔儀飾部初

學記器物部

公侯將軍三采案三當作二下當有紫白純三字見通典禮紫圭長有一丈七尺百八十首公主同封君北堂書鈔儀飾部案初學記器物部引丞相御史大夫匈奴亦同

九卿中二千石青綬三采青白紅純青圭一丈七尺一百廿首北堂書鈔儀式部

二千石綬羽青地桃花纁三采百二十首長丈七尺黃綬黃絲一采八十首長丈七尺民織綬皆如式不如式沒入官也北堂書鈔儀飾部初學記器物部

墨綬白窠白字當衍羽青地絳二采長丈七尺初學記器物部

四百石丞尉皆黃綬大冠北堂書鈔設官部

凡先合單紡爲一絲四絲爲一扶五扶爲一首五首成文文采純爲圭首多者精少者麤皆廣尺六寸北

堂書鈔儀飾部

蕭何爲相國佩綠綬公侯紫卿二千石青令長千石黑隋書禮儀志



高祖在沛。隱芒碭山。每遊。上輒不欲。令呂后知。常在深僻處。后亦常知其處。高祖問曰。何以知之。后曰。君所居處。上有紫氣。太平御覽。天部。

孝靈熹平年八月辛未。白氣如匹練。衝北斗第四星。爲大獸狀。明年楊州刺史臧閔攻盜賊。斬首數千級。  
太平御覽。天部。

永和中。戶至千七十八萬口。五千三百八十六萬九千五百八十八。續漢志。補注。

景帝以來。於國學內立道館。以教學徒。不許人閒別立館舍。廣弘明集。十四。

高祖既登帝位。鯛陽固始。細陽歲遣雞鳴歌士。常謳于闕下。藝文類聚。居處部。

王莽篡位。以劉字金刀。案字下當有有字。罷五銖。更作小錢。文曰貨泉。其文反白水真人。此則世祖中興之瑞也。太平御覽。資產部。

不制之臣。相與比周。宮鄰金虎。案。東京賦注。引比周下有比周者三字。宮鄰金虎者。言小人在位。比周相進。與君爲鄰。堅若金。讒言之人惡如虎。文選。東京賦注。王元長三月三日曲水詩序注。

帝室猶古言王室。文選。魏都賦注。西征賦注。


凡章表皆啟封其言密事。得阜囊。後漢書。蔡邕傳注。公孫瓚傳注。

俚語云。任智不正。車生咀。太平御覽。人事部。

肅宗賜諸尙書劔。陳寵濟南椎成。漢官儀。椎成。作鍛成。後漢書。韓稜傳注。

漢官儀卷下

應劭字仲遠漢官儀作仲瑗後漢書應劭傳注



漢官典職儀式選用

蔡質撰

漢官典職儀式選用

本館據平津館叢  
書本排印初編各  
叢書僅有此本

隋志漢官典職儀式選用二卷漢衛尉蔡質撰唐志蔡質漢官典儀一卷諸書所引又有作蔡質漢官典職漢官典職儀者皆後人省文也陳氏書錄解題漢官典儀一卷漢衛尉蔡質撰雜記官制及上書謁見禮式李埴續補一卷俱不傳今錄成一卷名從隋志質字子文蔡邕叔父見後漢書蔡邕傳晉書蔡豹傳



# 漢官典職儀式選用一卷

漢 蔡 質 撰

清 孫 星 衍 校 集

太尉、孝文三年置、七年省、武帝建元二年置、五年復省、更名大司馬、建武二十七年復置太尉。太平御覽、職官部。

府開闕、王莽初起、大司馬後篡漢神器、故遂貶去其闕。續漢志補注。

司徒、本丞相官、哀帝改爲大司徒、主司徒衆馴五品、府與蒼龍闕對、厭于尊者、不敢稱府也。續漢志補注、太平御覽、職官部。

官部。案、續漢志補注、引稱字作號。

漢興、置大將軍驃騎、位次丞相、車騎衛將軍、左右前後皆金紫、位次上卿、典京師兵衛屯警。續漢志補注。

惠帝改太常爲奉常、景帝復爲太常、蓋周官宗伯也。藝文類聚、職官部、太平御覽、職官部。

五中郎解、其府對太學。續漢志補注。

左中郎解、其府次五官。續漢志補注、案、當作次五官府、誤倒。

三署郎見光祿勳、執板拜見、五官左右將、執板不拜、於三公諸卿無敬。續漢志補注。

虎賁中郎將、主虎賁千五百人、無常員、多至千人。案、太平御覽、戴鶡冠、次右將府、又虎賁、舊作虎奔、言

如虎之奔也、王莽以古有勇士孟賁、故名焉。續漢志補注、後漢書、孔融傳注、北堂書鈔、設官部、太平御覽、職官部。

羽林郎百二十八人。無常員。府次虎賁府。續漢志補注。

謁者僕射見尙書令對揖無敬。謁者見執板拜之。續漢志補注。

謁者案、續漢志補注出府丞長史陵令。案、光武紀注、引無此七字。皆選儀容端正任奉使者。後漢書、光武紀注、續漢志、補注。

南宮至北宮中央作大屋複道三道行。天子從中道從官夾左右。案、太平御覽、居處部、引作複道三行。天子按行中央、臺官從左右。十步

一衛兩宮相去七里。後漢書、光武紀注、案、文選、古詩、十九首注、引南宮北宮、相去七里。

宮中諸有劾奏罪左都候執戟戲車縛送付詔獄。在官大小各付所屬以馬被覆見尙書令尙書僕射尙

書皆執板拜見丞郎皆揖。續漢志補注。

正月旦百官朝賀光祿勳劉嘉廷尉趙世各辭不能朝高賜舉奏皆以被病篤困空文武之位闕上卿之

贊既無忠信斷金之用而有收禮傷化之尤不謹不敬請廷尉治嘉罪河南尹治世罪議以世掌廷尉故

轉屬他官。續漢志補注。

少府符署出見都官從事持板都官從事入少府見符署持板。續漢志補注。

侍中常伯選舊儒高德博學淵懿。案、太平御覽、引作博學淵達。仰占俯視切問近對喻旨公卿上殿稱制參乘佩璽秉

劍員本八人陪見舊在尙書令僕射下尙書上今官出入禁中更在尙書下司隸校尉見侍中執板揖河

南尹亦如之。又侍中舊與中官俱止禁中。案、唐六典、引下有宿直、在石渠門外八字。武帝時侍中莽何羅。案、唐六典、引作馬何羅。挾刀



謀逆由是侍中出禁外有事乃入畢即出王莽秉政侍中復入與中官共止案唐六典引章帝元和

侍中郭舉與後宮通拔佩刀驚上舉伏誅自是侍中復出外續漢志補注唐六典太平御覽職官部

尚書令主贊奏總典紀綱無所不統秩千石案藝文類聚引作秩二千石銅印墨綬北堂書鈔設官部藝文類聚職官部

故公爲之者朝會不陞奏事增秩二千石故自佩銅印墨綬續漢志補注

尚書奏事於明光殿省中畫古烈士重行書讚初學記職官部

省中皆以胡粉塗壁紫素界之畫古烈士初學記居處部

尚書僕射主開封掌授廩給錢穀也北堂書鈔設官部

僕射主封門掌授廩假錢穀凡三公列卿將大夫五營校尉行復道中遇尚書僕射左右丞郎御史中丞

侍御史皆避車豫相迴避衛士傳不得進臺官過後乃得去續漢志補注

尚書典天下歲盡集課事三公尚書二人典三公文書吏曹尚書典選舉齋祀屬三公曹靈帝末梁鴻爲選

部尚書續漢志補注

常侍主常侍黃門御史事世祖改曰吏曹續漢志補注

二千石曹掌中郎官水火盜賊辭訟罪告續漢志補注

民典繕治功作監池苑囿盜賊事續漢志補注

客天子出獵、駕御府曹郎屬之。續漢志補注。

尚書左右丞、典臺事糾繩、無所不牾。太平御覽、職官部。

左右丞對揖、稱左右君也。北堂書鈔、設官部。

尚書左丞、總典臺中綱紀、無所不統。續漢志補注、初學記、職官部。

右丞與僕射對掌授廩假錢穀、與左丞無所不統。凡宮中漏夜盡、鼓鳴則起、鐘鳴則息。衛士甲乙徼相傳。

甲夜畢、傳乙夜、相傳盡五更。衛士傳言五更未明、三刻後雞鳴。衛士踵丞郎趨殿上臺、不畜宮中雞。汝南

出雞鳴。衛士候朱雀門外、專傳雞鳴於宮中。續漢志補注。

尚書郎、初從三署詣臺試、初上臺、稱守尚書郎。中歲滿、稱尚書郎。三年、稱侍郎。案、北堂書鈔、設官部。初學

人選吏能者為之。客曹郎、主治羌胡事、劇遷二千石、或刺史。其公遷為縣令、秩滿、自占縣去。詔書賜錢三萬、與三臺

祖餞。餘官則否。治嚴一月、進謁公卿陵廟、乃發。御史中丞遇尚書丞郎、避車。執板住揖。丞郎坐車、舉手禮

之。車過遠、乃去。尚書言左右丞、敢告知如詔書律令。郎見左右丞、對揖無敬。稱曰左右君。丞郎見尚書、執

板對揖。案、此對字當衍。後同。稱曰明時、見令僕射、執板拜朝賀、對揖。續漢志補注。

尚書郎晝夜更直于建禮門內。北堂書鈔、設官部。初學記、職官部。文選、沈休文和謝宣城詩注。案、晝夜更直。北堂書鈔初學記、引作夜直五日。

省閣下大扉、稱曰丹扉。尚書郎含雞舌香、伏其下奏事。太平御覽、居處部。

尙書郎入直臺中官供新青縑白綾被或錦被晝夜更宿帷帳晝通中枕臥旃蓐冬夏隨時改易太官供食五日一美食後漢書、鍾離意傳注。北堂書鈔、設官部、酒食部。初學記、職官部。藝文類聚、布帛部。太平御覽、服用部、布帛部。

尙書郎直太官供餅餌五熟太平御覽、飲食部。

尙書郎伯使二人女侍史二人皆選端正者伯使從至止車門還女侍史絜被服案、北堂書鈔、太平御覽、引作潔衣服。執香

爐燒熏從入臺中給使護衣服也後漢書、鍾離意傳注。廣韻、十一模注。北堂書鈔、儀飾部。太平御覽、服章部。

尙書郎懷香握蘭趨走丹墀太平御覽、香部。

以丹赤地故稱丹墀廣韻、六脂注。文選、西京賦注、魏都賦注。廣絕交論注。太平御覽、居處部。

尙書丞郎見尙書執板對揖稱曰明公案、公、續漢志補注引作時。見前。尙書郎見左右丞對揖無敬稱曰左右君太平御覽

部。禮儀

尙書令僕射給赤管大筆兩枝北堂書鈔、藝文部。

尙書令僕丞郎月賜險糜大墨一枚小墨二枚北堂書鈔、藝文部。初學記、文部。太平御覽、文部。

楊喬糾羊柔曰柔知丞郎鴈行威儀有序文選、賁躬詩注、與陳伯之書注。

尙書令史皆選蘭臺符節上稱簡精練吏有能爲之續漢志、補注。

御史中丞遇尙書郎避車執板住揖車過乃去之北堂書鈔、設官部、白帖七十四。

中丞掌蘭臺。北堂書鈔、設官部。

丞故二千石爲之。或遷侍御史高第執憲中司。朝會獨坐。內掌蘭臺。督諸州刺史。糾察百寮。出爲二千石。

續漢志、補注。

治書侍御史二人。治廷尉奏事。罪當輕重。北堂書鈔、設官部。

選御史高第補之。續漢志、補注。

侍御史。秦官。周有御史。掌郡案、當國都邑案、當萬民之治。案、當作及萬民之治令。以贊冢宰。北堂書鈔、設官部。

其二人者。更直執法省中者。皆糾察百官。督州郡。公法府掾屬高第補之。初稱守。滿歲拜真。出治劇爲刺

史二千石。平遷補令。見中丞執板揖。續漢志、補注。

將作位次河南尹。光武中元二年。省謁者領之。章帝建初二年。復置。續漢志、補注。

門候見校尉執板下拜。續漢志、補注。案、下當作不。

五營司馬見校尉執板不拜。續漢志、補注。

越騎校尉掌越騎。續漢志、補注。

長水校尉主長水宣曲胡騎。續漢志、補注。

射聲校尉掌待詔射聲事。續漢志、補注。

司隸校尉 職在典京師外部諸郡無所不糾封侯外戚三公以下無尊卑入宮開中道稱使者每會後到先去

續漢志、補注。

司隸詣臺延議處九卿上朝賀處公卿下陪案、當有卿上、初除、謁大將軍三公通謁、持板、揖、公議朝賀、無

敬臺召入宮對見尙書持板朝賀揖續漢志、補注。

延熹中京師游俠有盜發順帝陵賣御物于市市長追捕不得周景以尺一詔召司隸校尉左雄詣臺對

詰雄伏于庭答對景使虎賁左駿頓頭血出覆面與三日期賊便擒後漢書、周景傳注。

都官主雒陽百官朝會與三府掾同續漢志、補注。

河南尹出考案與從事同續漢志、補注。

詔書舊典案、續漢志、補注、引有此四字。刺史班宣周行郡國省察治狀黜陟能否斷治冤獄案、後漢書、光武紀注、引此四句、治狀作政教。以

六條問事非條所問即不省一條強宗豪右田宅踰制以強陵弱以衆暴寡二條二千石不奉詔書遵承

典制倍公向私旁詔守利侵漁百姓聚斂爲姦三條二千石不恤疑獄風厲殺人怒則任刑喜則淫賞煩

擾苛暴剝戮黎元爲百姓所疾山崩石裂妖祥訛言四條二千石選舉不平苟阿所愛蔽賢寵頑五條二

千石子弟恃怙榮勢請託所監六條二千石違公下比阿附豪強通行貨賂割損政令也漢書、百官公卿表注、續漢志、

補注。

諸州刺史初除比諸案此當持板揖不拜續漢志補注

諸州刺史上郡竝列卿府言敢言之後漢書朱雋傳注

立宋皇后儀尚書令臣囂僕射臣鼎尚書臣旭臣乘臣滂臣謨臣詣稽首言伏惟陛下履乾則坤動合陰陽羣

臣大小咸以長秋宮未定遵舊依典章表仍聞歷時乃聽令月吉日以宋貴人爲皇后應期正位羣生兆庶莫不式舞易稱受茲介祉詩云千祿百福子孫千億萬方幸甚今吉日以定臣請太傅太尉司徒司空

太常條列禮儀正處上羣臣妾無得上壽如故事臣囂臣鼎臣旭臣乘臣滂臣謨臣詣愚闇不達大義誠惶誠恐頓首死罪稽首再拜以聞制曰可維建寧四年七月乙未制詔皇后之尊與帝齊體供奉天地祇

承宗廟母臨天下故有莘與殷姜任母周二代之隆蓋有內德長秋宮闕中宮曠位宋貴人秉淑媛之懿

體山河之儀威容照耀德冠後庭羣寮所咨僉曰宜哉卜之著龜卦得承乾有司奏儀宜稱絳組以臨兆

民今使太尉襲使持節奉璽綬宗正祖爲副立貴人爲皇后其往踐爾位敬宗禮典肅懷中饋無替朕命

永終天祿皇后初卽位章德殿太尉使持節奉璽綬天子臨軒百官陪位皇后北面太尉住蓋下東向宗

正大長秋西向宗正讀策文畢皇后拜稱臣妾畢住位太尉襲授璽綬中常侍長樂太僕高鄉侯覽長跪

受璽綬奏於殿前女史授婕妤婕妤長跪受以授昭儀昭儀受長跪以帶皇后皇后伏起拜稱臣妾訖黃

門鼓吹三通鳴鼓畢羣臣以次出后卽位大赦天下皇后秩比國王卽位威儀赤紱玉璽續漢志補注

正月旦、天子幸德陽殿、臨軒、公卿將大夫百官各陪朝賀、蠻貊胡羌朝貢畢、見屬郡計吏、皆陛覲、庭燎、宗

室諸劉、雜會萬人以上、立西面、位定、公納薦、太官賜食酒、西入東出、既定、上壽、計吏中庭北面立、太官上

食、賜羣臣酒食、貢事御史四人、執法殿下、虎賁羽林、弧弓撮矢、案通典引陛戟左右、戎頭偃脛、啓前向後、左

右中郎將、住東西、案、通典引羽林虎賁將、住東北、五官將、住中央、悉坐、就賜、作九賓徹樂、案、安帝紀注、引

散、舍利、案安帝紀注、引從西方來、戲於庭、極、乃畢、入殿前、激水化爲比目魚、跳躍、就水作霧、案、安帝紀

西京賦注、引障日畢、化成黃龍、長八丈、出水游戲於庭、案、通典引炫耀日光、以兩大絲繩繫兩柱中頭、開、相

去數丈、兩倡女對舞、行於繩上、對面道逢、切肩不傾、又踢局出身、案、藝文類聚、太平藏形於斗中、鍾磬並

作、樂畢、作魚龍曼延、小黃門吹三通、案、太平御覽、引吹上有鼓字、謁者引公卿羣臣以次拜、微行出罷、卑官在前、尊官

在後、德陽殿周旋容萬人、陛高二丈、皆文石作壇、激沼水於殿下、案、藝文類聚、引作落水、畫屋朱梁、玉階金柱、刻鏤

作宮掖之好、案、太平御覽、引下、廁以青翡翠、案、太平御覽、引青上有丹字、一柱三帶、韜以赤緹、天子正旦節

會朝百官于此、自到偃師、去宮四十三里、望朱雀五闕、德陽其上、鬱律與天連、後漢書、安帝紀注、續漢志、

禮、北堂書鈔、樂部、兩引、藝文類聚、居處部、太平御覽、樂部、居處部、三引、

陰太后崩、前有方相及鳳皇車、北堂書鈔、禮儀部、

十二陵今、見在河南尹、無敬也、續漢志、補注、案、今當作令、

續漢志、補注、案、今當作令、

四姓侍祠。

文選、讓吏部封侯表注。

宮中苑，聚土爲山，十里九坂，種奇樹。

案、文選、古詩十九首注、引宮中種嘉禾奇樹。

育麋鹿麇麕鳥獸百種，激上阿水，銅龍吐水。

銅仙人啣盃受水下注，天子乘輦遊獵苑中。

太平御覽、居處部。


宮北朱雀門，至止車門內，崇賢門內，建禮門。

太平御覽、居處部。

洛陽二十四街，街一亭，十二城門，門一亭。

續漢志、補注、太平御覽、居處部、兩引。





官 漢

集校衍星孫

漢  
官

本館據平津館叢  
書本排印初編各  
叢書僅有此本

# 漢官

清 孫星衍校集

太傅長史一人秩千石掾屬二十四人令史御屬二十二

建武十二年八月乙未詔書三公舉茂才各一人廉吏各二人光祿歲舉茂才四行各一人察廉吏三人

中二千石歲察廉吏各一人廷尉大司農各二人將兵將重歲察廉吏各二人監察御史司隸州牧歲舉

茂才各一人

案、此條引作漢官目錄。

司徒掾屬三十人

案、此條引作漢官目錄。司徒掾屬四字。從續漢志補。以小字別之。下凡做此。

司空掾屬三十四人

案、此條引作漢官目錄。

太史常員吏八十五人其十二人四科十五人佐五人假佐十三人百石十五人騎吏九人學事十六人守學事

太史待詔三十七人其六人治歷

案、唐六典。十引太史屬員。有理歷六人。因避唐諱。改。

三人龜卜三人廬宅四人日時三人易筮二

人典禮九人籍氏許氏典昌氏各三人嘉法請雨解事各二人醫二人

案、各本引此條。俱作漢官儀。

太史靈臺待詔四十一人其十四人候星二人候日三人候風十二人候氣三人候暑景七人候鍾律一人

舍人。案、唐六典。十引漢官靈臺員史十三人。靈臺待詔四十六人。

太員吏四十一人。其二人百石。二人斗食。二十二人佐。二人學事。四人守學事。四人有秩。百五十人祝人。宰二百四十二人。屠者六十人。

太明堂丞一人。二百石。員吏四十二人。其二人百石。二人斗食。二十二人佐。九人有秩。二人學事。四人守學事。宰二百四十二人。屠者七十三人。衛士一十五人。

太子樂令。員吏二十五人。其二人百石。一人斗食。七人佐。十人學事。四人守樂事。樂人八。佾舞三百八十人。

高廟。員吏四人。衛士一十五人。

世祖廟。員吏六人。衛士二十人。

先帝陵。每陵。食監一人。秩六百石。監丞五人。三百石。中黃門八人。從官二人。

光祿勳。員吏四十四人。其十人四科。三人百石。二人斗食。二人佐。六人騎吏。八人學事。十三人守學事。一人

官醫。衛士八十一人。

陸長。墨綬銅印。

孝廉郎作主羽林九百人。二監官屬史吏。皆自出羽林中有材者作。

奉車都尉 三人。

駙馬 五人

都尉 一十人

尉 三人

光祿 三人

大夫 二十人 秩比二千石

中散 三十人 秩比二千石

大夫 三十人

諫議 五十人 無常員

謁者 三十人 其二人公府掾 六百石 持使也

衛尉 吏 四十一人 其九人四科 二人二百石 文學 三人百石 十二人斗食 二人佐 十三人學事 一人官醫

衛士 六十人

南宮 衛士 員 吏 九十五人 衛士 五百三十七人

北宮 衛士 員 吏 七十二人 衛士 四百七十二人

右都侯 員 吏 二十二 衛士 四百一十六 左都侯 員 吏 二十八 衛士 三百八十三 南宮 衛士 員 吏 九人 衛士 百二人 屯司馬

案、侯、皆當作候。

北宮門者龍司馬員吏六人。衛士四十人。

玄武司馬員吏二人。衛士三十八人。

北屯司馬員吏二人。衛士三十八人。

北宮朱爵司馬員吏四人。衛士百二十四人。

東明司馬員吏十三人。衛士百八十人。

朔平司馬員吏五人。衛士百一十七人。

凡員吏皆隊長佐。案、謂南屯司馬以下。

太常·光祿·衛尉·右三卿·太尉所部·案、此條引作漢官目錄。

太員吏七十人。其七人四科。一人二百石。文學八人百石。六人斗食。七人佐。六人騎吏。三人假佐。三十一

人學事。一人官醫。

考員吏百九人。

車府員吏二十四人。

未央員吏七十人。卒騶二十人。

長樂廄員吏十五人。卒騶二十人。首宿苑官田所。一人守之。

廷尉員吏百四十人。其十一人四科。十六人二百石。廷吏文學。十六人百石。十三人獄史。二十七人佐。二十  
六人騎吏。三十人假佐。一人官醫。

大鴻臚員吏五十五人。其六人四科。二人二百石。文學。六人百石。一人斗食。十四人佐。六人騎吏。十五人學

事。五人官醫。

大員吏四十人。其四人四科。五人二百石。文學。五人百石。九人斗食。六人佐。六人學事。十二人守學事。

太僕。廷尉。大鴻臚。右三官司徒所部。案、此條引作漢官目錄。

宗正員吏四十一人。其六人四科。一人二百石。四人百石。三人佐。六人騎吏。二人法家。十八人學士。一人官  
醫。

諸公主簿一人。秩六百石。僕一人。秩六百石。私府長一人。秩六百石。家丞一人。三百石。直隸三人。從官三  
人。

大司農員吏百六十四人。其十八人四科。九人斗食。十六人二百石。文學。二十人百石。二十五人佐。七十五

人學士。一人官醫。

太倉員吏九十九人。

平準員吏百九十八人。

導員吏百一十二人。

稟丞一人、三百石。員吏四十人。其十一人斗食。十七人佐。七人學事。五人守學事。皆河南屬縣給吏者。

維陽市長一人、秩四百石。丞一人、二百石。明法補員吏三十六人、十三人百石。嗇夫十一人斗食。十二人

佐。又有檄權丞、三百石。別治中水官。主水渠。在馬市東。有員吏六人。

少府員吏三十四人。其一人四科。一人二百石。五人百石。四人斗食。三人佐。六人騎吏。十三人學事。一人官

醫。

太醫員二百九十三人。員吏十九人。

太官員吏六十九人。衛士三十八人。

守官員吏六十九人。外官丞二百石。公府吏府也。

上苑林員吏五十八人。

黃門員吏十九人。

掖庭吏從官百六十七人。待詔五人。員吏十人。

永巷員吏六人。吏從官三十四人。右丞一人。暴室一人。

御府員吏七人。吏從官三十人。右丞一人。



祠從官吏八人。騶僕射一人。家巫八人。

鈞吏從官四十人。員吏四十八人。又有署一人。胡熟監一人。

中藏府 員吏十三人。吏從官六人。

內者 從官祿士一人。員吏十九人。

方尙 員吏十三人。吏從官六人。

符當得明法律郎。

宗正。大司農。少府。 右三卿。司空所部。案、此條引作漢官目錄。

執金吾。員吏二十九人。其十人四科。一人二百石。文學三人。百石。二人斗食。十三人佐學事。注緹騎。

執金吾。緹騎二百人。五百二十人。

太子少傅 員吏十三人。

太子舍人 十三人。選良家子孫。

太子門大夫 門大夫二人。選四府掾屬。

太子洗馬 選郎中補也。

北軍中候 員吏七人。候自得辟召。通大鴻臚。一人斗食。

屯騎校尉 員吏百二十八人。領士七百人。

越騎校尉 員吏百二十七人。領士七百人。

步兵校尉 員吏七十三人。領士七百人。

長水校尉 員吏百五十七人。烏桓胡騎七百三十六人。

射聲校尉 員吏百二十九人。領士七百人。

河南尹 員吏九百二十七人。十二人百石。諸縣有秩三十五人。官屬掾史五人。四部督郵吏部掾二十六人。案獄仁恕三人。監津渠漕水掾二十五人。百石。卒史二百五十人。文學守助掾六十人。書佐五十人。循行二百三十人。幹小史二百三十一人。

雒陽令 秩千石。丞三人。四百石。孝廉左尉、四百石。孝廉右尉、四百石。員吏七百九十六人。十三人、四百石。鄉有秩。獄史五十六人。佐史鄉佐七十七人。斗食令史。嗇夫假五十人。官掾史幹小史二百五十人。書佐九十八人。循行二百六十人。

鄉戶五千。則置有秩。

沛國譙 去雒陽千二十里。

剡史治 去雒陽一千里。

武陵郡漢  
壽刺史治  
去雒陽二千里。案、此條引作漢官儀、誤。

九江郡  
壽春刺史治、去雒陽千三百里。

漢陽郡隴  
州刺史治、去雒陽一千一百里。

太原郡晉  
陽刺史治、南有梗陽城、中行獻子見巫臯。

廣陽郡燕  
刺史治、雒陽東北二千里。

蒼梧郡  
廣信刺史治、去雒陽九千里。案、以上俱見續漢志補注。

